



142 1310



元音卷之一



劉曰字夢吉號靜脩容城人太子贊善

黃金臺

燕山不改色易水無新聲誰知數尺臺中有萬古情區區  
後世人猶愛黃金名黃金亦何物能為賢重輕德輝照九  
仞鳳鳥才一鳴伊誰腐鼠弃坐見飢鶩爭周道日東漸一  
老皆西行養民以致賢王業自此成黃金與山平不救兵

縱橫落日下荒臺山水有餘清

崔節婦詩

昔金源氏之南遷也河朔土崩天理蕩然人紀為之大擾  
誰復維持之者而易之西山乃有婦人曰崔氏年二十  
餘其夫從軍死於王事出入兵刃往復數百里晝伏  
夜行以其屍歸負土而葬之既葬自以早寡無子遭時  
如此思以義自完乃自決於墓側隣里救而復蘇終始  
一節今八十餘年矣夫人心之極有世變之所不可奪  
者於此亦可以見之余聞之於是作詩俾其外孫田磐  
刻之石使崔氏風節如在亦庶幾乎吳人河女之章焉

兵塵浩無際烈士難自全婦人無九首志欲不二天燕山  
崔氏女既嫁夫防邊一朝聞死事健婦澮慨然生有如此  
夫早寡非所憐求屍白刃中負土家山前事去哀亦深義  
盡身可捐無兒亦何為所依惟黃泉鄉隣救引訣烈日丹  
衷懸誰辨節孝翁重賦睢陽賢我昨過其鄉山水猶清妩  
聞風髮如竹飄々動踈煙千年吟詩臺峨々大寧顛為招  
馮太師和戡節婦篇大寧山有馮道吟詩  
臺距崔居甫數十里

燕平學僊臺

碣石來海際西南奄全燕中有學仙臺燕平欲昇天燕平骨  
已朽遺臺猶相傳雖復生青松歲久推為煙極目望海波不

見三山巔三山巨鰲簪山人蟻  
蠢然使無不足論信有亦  
可憐大塊與洪鑪金石難久  
堅天地會有盡何物為神仙  
空山無笙鶴落日下飢鳥  
今古非一臺浩歎秋風前

宋理宗書宮扇

旋州宮扇二好事者得之燕市  
一畫雪夜泛舟一畫二  
色菊理宗題其皆有興盡為期  
及晚節寒香之句諸公  
賦詩余亦同作

天津月明啼杜鵑梁園春色凝  
寒煙傷心莫說靖康前吳  
山又到縣華年縣華幾時春  
已換千古萬古合歡扇銅雀  
香銷見墨痕秋去秋來幾  
息怨一聲白鴈落西風冠  
蓋散

為煙霧空百錢襪錦天留在  
禍胎要鑿驪山宮當時夢裏  
金銀闕百子樓頭無六月  
瓊枝秀發後庭春珠簾晴捲  
天門雪棹歌一曲白雲秋不  
覺金人淚暗流乾坤幾度青  
城月扇影無情也解愁五雲  
回首燕山北燕山雪花大如  
席雪花漫二冰峨二大風起兮奈尔何

歸去來圖

淵明豪氣昔未除翱翔八表  
凌天衢歸來荒徑手自鋤草  
中恐生蠹寄奴中年欲與夷  
皓俱晚節樂地歸唐虞平生  
磊磊一物無停雲懷人早所  
圖有酒今與龐通沽眼中之  
人不可呼哀歌撫卷聲鳴二

功安濯足圖

漢家無復雲臺功生平不識大耳公眼中天意鏡中語此  
身只有扁舟東關東諸公亦英雄百年能辦山陽封歸耒  
老栢號秋風世事悠々七十翁乾坤故物兩足在霜海浮雲  
空復空無刀可斷華太尉有死不為王太中丹青白帽  
凜冰雪高山目送真飛鴻為問蘇家好兄弟萬古此擬誰  
真龍長公愛文舉次公愛幼安蓋氣質各以語云

采菊圖

天門折翼不再舉拍手四海橫流前長星飲汝一杯酒留  
我萬古義皇天廟堂袞々宋元勳誰信東籬有晉臣南山  
果識悠然處不惜寒香持贈君

○

易臺

望中孤鳥入消沉雲帶離愁結暮陰萬國河山有燕趙百  
年風氣自遼金物華暗與秋容老杯酒不隨人意深無限  
霜松動岩壑天教搖落助清吟

海南鳥

越鳥群飛朔漠濱氣機千古見真純紇干風景今如此女  
國園林亦暮春精衛有情銜太華杜鵑無血到天津聲  
解墮金銅淚未信吳兒是木人

過方古故居

古金大定間人常舉進士不第遂歸獨居一室置琴書  
其側不妄與人交縣令佐公服候門亦以遜詞謝遣之  
有田數十畝食其獲如菽熟惟食菽鄉人好事者欲以  
米易之不听曰是天所食者不可易也監察御史按行  
郿邑聞其行上之不報其為人蓋亦近於聖學之所謂  
狷史學之所謂獨行者歟先父每舉以律鄉人之貪鄙  
者故鄉人至今能道之古後無後其立隴已為樵牧區今  
過其居亦莽為荆棘矣不覺感歎夫茲潛德而紀先  
賢實後生之責也願力未能焉姑題詩以紀先父之訓  
名姓初聞自過庭山田食力老窮經鄉閭月旦歸公論耆

宿風流尚典刑盛事重吟鳧繹集懷賢雖築聘君亭還家  
遊子悲千種念舊思親淚最清

銅雀瓦

諸侯負漢已堪憐直筆何為亦魏編却愛曹瞞臺上瓦至  
今猶屬建安年

題理宗煙波橫板圖

自古興衰不可常每從運氣見文章誰知萬古中天月只

辨南樓一夜涼

太白常詠月云上至中天萬國聞理宗荷  
云併在南樓一夜涼步故以寓其意云曰

許衡 字仲平號魯齋河內人中書左丞儒教大宗師

趙氏南莊

曉起北窓涼清談最羽觴入簾花氣重落紙燕泥香夢裏  
青山好吟邊白髮長秋風載書籍相對築茅堂

憶賈君玉

賈君清介士吾輩鮮能群守志玉元伯甘貧范史雲銅臺  
書廢讀東郡酒方醺向日尋先約青燈共夜分

元好問字裕之號遺山

箕山

幽林轉陰厓鳥道人跡絕許君棲隱地唯有太古雪人間  
黃金貴物外祇自潔尚馭一瓢喧重負寧所屑降衷均義  
稟泊利妄智決得隴又望蜀有齊安用薛干戈幾蠻觸字

宙日流血曾連蹈東海夷林未薇蕨至今陽城山衡華兩  
丘垤古人不可作百念肝肺熱造歌壯風前悠悠送孤月

西樓曲

游絲落絮春漫漫西樓晚晴花作團樓中小嬾弄瑤瑟一  
曲未終生長嘆去年與君西入關春風浩蕩隨金鞍今年  
匹馬妾東還零落芙蓉秋水寒并刀不剪東流水湘竹年  
年泪痕紫海枯石爛兩鴛鴦只合雙飛便雙死重城車馬  
紅塵起乾鵲無端為誰喜鏡中獨語人不知欲插花枝泪  
如洗

結楊柳怨



長樂坡前一杯酒鄭重行人結楊柳  
可憐楊柳千萬條看盡入行人手  
輕煙細雨綠相和惱亂春風態度  
多踏人愛此風流樹無柰朝攀暮折  
何朝攀暮折何時了不道行人暗中  
老素衣今日洛陽塵白髮明朝塞城  
草柳色年歲青鬪情何事管離情春  
風誰向丁寧道柳盡柔條莫再生

○杏花落後分得歸字韻

懶髓能醫病頰肥鸞膝無那片紅  
飛殘陽淡不肯下流水浴、何處歸  
煮酒青林寒食過明粧高燭賞心  
違寫生正有徐熙在漢苑招魂果  
是非

閻復字子靜東平人

遺山先生挽詩

蕭寺秋風捲玉荷月明人影共婆娑  
誰知別後驪駒曲便是先生薤露歌  
野史夜寒虫震簡錦機春暖鳳停梭  
祇應前日西州路常使羊曇忍淚過

廉平章挽詩

海岳儲精五十秋早聞仙馭躡金虬  
梁公獨擅斗南譽老范長懷天下憂  
東閣閑闌蒼藓合西山埋玉白雲稠  
鳳池人物誰優劣合在元龍百尺樓

姚樞字公巖號靈春柳城人學士承旨

被頽問題張畫明皇擊梧按樂圖

阿萱五季名畫師尤工粉墨含春姿君王遊蕩墮聲色不  
知聲色傾人國開元無逸致太平天寶奢風生五兵偃月  
堂近幽薊遠潛謀不入芙蓉苑咸陽行色馬嵬塵萱筆雖  
工恐未真四海蒼生半魚肉歸來豈為香裘哭一日重開  
日月光黃金却鑄郭汾陽

徐世隆字威卿陳州西華人

祝文丞相

大元不殺文丞相君義臣忠兩得之義似漢皇封齒日忠  
於蜀將斫顏時乾坤日月華夷見海嶺風霜草木知只恐

史官編不盡老夫和淚寫新詩

郝經字伯常陵川人侍讀學士充國信使

巴陵女子行

已未秋九月王師度江大帥拔都自鄂渚以一軍覘  
上流遂圍岳：潰入於洞庭俘其遺民以歸節婦巴  
陵女子誓不辱于兵書詩衣帛見意赴江而死其  
自叙曰巴陵女子韓希孟魏公五世孫婦于尚書賈  
公之男璠岳州破被虜之明日以衣帛書詩頤好事君  
子知吾宋家有節婦者其詩悲婉激切有漢魏歌謠風  
氣如天果喪中原大似裂冠衽我本瑚璉器安肯作溺血

借此清江水葬我全首領皇天如有知定作血面請願魂化精  
衛填海使成嶺殆數百言詳意壯烈有古義士未到者余  
既高希孟之節且悲其志作巴陵女子行

北來諸軍飛渡江突騎一夜滿岳陽樓頭火起入閭巷曹  
伍偶走如牛羊巴陵女子尚書婦生平不識門前路亂兵  
駭出勢蒼皇夫婿翁姑在何處吞聲掩淚行且啼三痕沾  
漉越羅衣此身忍使人再辱裂帛暗寫臨終詩上言社稷  
安危事下說投江誓天志一回宛轉一悲辛心折魂飛不  
成字詩成淚盡赴江流域眉蕭颯天為愁芙蓉零落入秋  
水玉骨直葬青海頭古來烈婦才一二誰似巴陵更文理名

興長江萬古流丞相魏公還不死

太平頂讀秦碑

岱宗太平頂磨崖皆天齊左列則天頌右刻張說詳文未  
與書法不離近代規漢封宛在周觀東秦壇夏出絕頂西  
壇前圓平值中峯突兀工有始皇碑羊深雨演百裂餘折  
作兩峯蹲半規面陽數字仍可辨隙縫重銜苔蘚皮中  
間隱約見制可完好可辨唯臣斯奉如釵股直如筋屈跌碾  
玉秀且奇千年瘦勁益飛動迴視蒲山肥更癡當時風雨  
有餘怒豈容夸石獨在茲祇應神明愛九物不肯轟擊常  
護持昔年韓文公曾賦岫嶽詩字青石赤皆傳聞漫為

咨嗟涕漣而何如親登泰山日觀峯光惟待見絳氣纏金  
虹摩挲細贖秦相碑天門高咏來清風乃知山靈不相負  
夜宿天邊不忍去醉倚雲窓重回顧

姚燧

字端甫號牧菴落陽人學士承旨

別王良輔

只聞官罷尚荊州不謂相逢郢水秋如我避賢三退舍典  
君為客一登樓人亦妄自金鷲治世事從渠劔刻舟明日  
分携武昌去應煩南夢到滄洲

楊果

字正卯滿陰人

汨林行

銀鞍白馬鳴玉珂風花三月燕支坡侍中女夫領軍事黃  
金買斷青樓歌少年羽林出名字隨從武皇偏得意當  
時事少游幸多御馬衣嘗得賜年春水復秋山風毛雨  
血金蓮川婦來宴賀滿宮醉山呼搖動東南天明昌太和  
承平乂壯人歲獻蒲萄酒一聲長嘯四海空縣華事往空  
迴首懸瓠月落城上櫓天子死不為降王羽林零落只君  
在白頭辛苦趨路傍腰無長劔手無鎗欲語前事涕滿裳  
洛陽城下歲華暮秋風秋氣傷金澹龍門流出伊河水壯  
望臨潢八千里蔡州新起鬪髀臺只合當年抱君死君家  
父兄健如虎一旦倉皇變為鼠錦衣新貴見莫唾得時失時

令又悲

落陽懷古

落陽雲樹鬱崔嵬落日行人首重回山勢忽從平野斷河  
聲偏傍故宮哀五噫擬逐梁鴻去六印休驚李子來惆悵  
青槐舊時路年、無數野棠開

過狄仁傑墓

北鷄聲裏紫宸寒神器都歸竊弄間一語喚回鸚鵡夢九  
霄奪得鳳雛還荒墳寂寞臨官道清節孤高重泰山為問  
模稜蘇相國當時相見果何顏

梁棟

四禽言

不如歸去錦官宮殿迷煙樹天津橋上一兩聲叫破中原無住  
處不如歸去

行不得也哥、湖南湖北春水多九疑山前叫虞舜奈此  
乾坤無路何行不得也哥、

脫却布袴貧家能有幾尺布閑機織盡無得裁可人不來  
廉叔度脫却布袴

提壺蘆提壺蘆今年酒賤頻、沽衆人皆醉我亦醉衰哉  
誰問醒三問提壺蘆提壺蘆

楊奐字煥然號紫陽奉天人

金谷行

洛陽園池天下無金谷近在西城隅晉時花草不復見野  
人猶解談齊奴齊奴豪奢誰比數酒酣愛擊珊瑚珠後堂  
春風滿桃李中有一枝名綠珠千金買步障百金買氍毹  
時吹笛替郎語雲窓露戶長歡娛層階欲下須人扶豈  
料一日能捐軀紅飛玉碎頃刻裏空使行客悲躊躇樓頭  
小婦感恩死君臣大義當何如

長安感懷

此心直欲作東周再到長安已白頭往事無憑空擊楫故  
人何處獨登樓月搖銀海秦陵夜露滴金莖漢殿秋落

日酒醒雙眼淚幾時清渭向西流

讀汝南遺事二首

軼道牽羊事已非更堪行酒著青衣裹頭婢子那知此爭  
逐君王烈焰埽

六朝江水故依然隔斷中原又百年長咲桓温無遠畧竟  
留王猛佐符堅

李冶字仁卿萊城人

楊白花

帝家迷樓春晝長繁笙吹破百花香蒲萄凝碧琥珀光燕  
語鶯啼空斷腸枕帷紅淚洒瀟湘玉鏡臺前添子狂茜裙

緩帶寬篤爲胡蝶起雲上釵梁千里萬里雲茫茫

張易字仲疇

○送曾齋先生歸山

袞二諸公入省聞先生承詔獨南歸道逢時否貧何病老  
得身閑古亦稀行色一杯燕市酒春風二月故山薇到家已  
及蠶生日布穀催畊隴麥肥

林景熙

○聞家大參南歸

濱死孤臣雪滿顛水疆鬻畫偶生全衣冠萬里風塵老名  
節千年日月懸清淚秋荒遼海鷗古魂春吟蜀山鶻歸春

親舊驚相問禾黍離一夕照邊

梁曾字貢父

○岳陽樓

樓前秋水健帆開樓上涼風舞袖迴萬里舟航通鳥道四  
時雲雨護龍堆江山如此不一醉歲月幾何能再來欲問老  
髯求鐵笛月中吹上紫荆臺

宋衛

次范鈞莊韻

家近西湖六月涼蘭舟桂醕芰荷裳海門潮上波濤壯天  
竺風來草木香今日悲秋我楚些他年著論辨吳亡君才

位置聞人說，宜特詩仙七寶牀。

李鳳

○ 睢陽懷古

睢陽城郭劫灰餘，風景蕭條市井疎。  
堤接汴梁分驛路，地連齊魯幾兵車。  
張巡戰壘沙沉戟，閑伯提封草滿墟。  
瓊重開元遺寺在，石幢猶刻魯公書。

盧摯字處道號踈齋涿郡人學士承旨

題釣臺

雲山蒼蒼兮煙木稠，石瀨潺潺兮江水流。  
故人兮冕旒先，生兮羊裘使人皆先生兮誰其伊周使人不先生兮誰其

巢由仕止兮速兮舍聖人將安求清風一絲兮豈為名鉤  
焦黃荔丹兮香火千秋岸下幾蒿兮榮辱之舟先生一  
咲兮白雲收

題淵明歸去圖

留侯晚節從赤松，武侯早歲稱卧龍。  
仇秦復漢身始終，淵明初非避俗翁。  
兩侯大節將無同，陽秋甲子法王正。  
特筆宛有長沙碓，易地灞上祁山功。  
王弘何恨奉吾足，督郵能芥平生胸。  
啼未種豆南山中，斜川只許桃源通。  
門前五柳春濛濛，落絮不與江波東。  
環堵蕭然吾未窮，北窓儘有羲皇風。  
畫圖不盡千古意，詩成一咲浮雲空。



采薇圖

服藥求長年，孰與孤竹子。一食西山薇，萬古猶不死。

周馳字景遠，聊城人，監察御史。

題五王醉歸圖

晉陽首事成功烈，卒入宮門流戰血。至親骨肉恐相殘，禍至黃臺那可說。讓帝知幾，薛岳位履霜，知是堅冰至。華萼相輝，勢使然。遂許明皇，敎友弟。當時行樂殊未央，賜予無節，恩非常。出則同遊，入則同宴。五龍躩蹠，騰康莊。時光鼎，如流電，虛偽既消，誠實見。三子無辜，死渭橋。太真有寵，未金殿，欲心一縱，禍滔天。社稷生靈不暇構，從此陵夷於五代。

干戈喪亂過年二

李孟字道復

初科知貢舉

百年場屋事初行，一夕文章聚帝京。豹管敢窺天下士，龍頭誰占日邊名。寬容極口論時事，衣被終身荷聖情。願得真儒佐明主，白頭應不負平生。

貫雲石號酸齋

桃花岩

白兆山桃花岩太白有詩，迺人建長庚書院。來京師時，中書平章白雲相其成，來詩於詞林。臣李秋谷程雪樓陳

北山元復初趙子昂張希孟與僕同賦

美人一別三千年思美人兮在哉前桃花染雨入白兆信  
知塵世逃神仙空山亭二伴朝暮老樹悲啼發紅霧為誰  
化作神仙區十丈風煙掛淮浦暖翠流香春自沾手撚殘  
霞皆天末幾回雲外落清嘯美人天上騎丹鶴神遊八極  
栖此山流水杳然心自閑解劍狂歌一壺外知有洞府無  
人間酒酣仰天呼太白眼空四海無纖物明月滿山招斷  
魂春風何處求顏色

美人篇

仙風雕雪玲瓏温吳姬剪月纖二昏行雲補髻翠光滑鳳

鳳叫落空山月手摘閑愁八字分春山恨重畫不伸肌濃  
汗膩朱粉勾背人揮泪妝無痕霜刀自裂石榴裙閑門不  
識諸王孫綠烟重透藍田玉羅帶隨風換粧束飛鳥啣怨  
過長門芳菲不忍韶華屋連環步窄玉珮響霓裳袖闊  
春風長釧鬆腕瘦覺多情舉手搔天二亦痒錦香帳冷  
蘭燈沉落花不入芙蓉衾三山路香銀河深彩鳶高訴愁人  
心天與美人傾國色不如更與美人節夢裏梅花夢外身  
萬古千年對明月

君山行

北溟魚背幾千里負我大夢遊弱水蓬萊隔眼不盈攀碧

落香銷吹不起，茜裙女兒懷遠遊。遠人不歸，明月羞空釵。綰  
髻翠欲流，風鬟十二照暮秋。女媧煉石補天手，手拙石開  
露天醜。瓊樓玉宇亦人間，直指示君三見不斯須。魚去夢  
亦還，白雲與我遊君山。

別離情

吁別離之苦，弓蒼梧之野。春草青黃，陵廟前春水生日暮。  
湘裙動輕翠，玉樹亭。染紅泪，又聞垓下虞姬泣。斗帳初  
驚楚歌畢，佳人閣淚弃。英雄劔血不銷，原草碧。何物謂之  
別離情，肝腸剝。始銅聲，一如斫其竹，翦其草，免使人生  
為情老。

蘆花被

僕過梁山泊，有漁翁以蘆花為被。僕尚其清，欲易之以紬  
者。翁曰：君尚吾清，請以詩乃輸之。

採得蘆花不浣塵，翠簑今復藉為裯。西颺刮夢秋無際，夜  
月生香雪滿身。毛骨已隨天地老，聲名不讓古今貧。青綾  
莫為鴛鴦妬，款乃聲中別有春。

陳孚 字剛中，號勿齋，天台人，衢州治中。

出門別親友

停君漢水浮鴨之翠杓，聽我嶧山栖鳶之綠桐。男兒拂衣  
出門去，龍泉三尺光如虹。君不見，碯溪鷓髮釣魚者，偶擲

漁竿來牧野白旄麾開炮烙煙桓圭朱芾侯青社又不見  
南陽卧龍人不識一朝佐漢坐狼石羽扇輕搖蛇鳥驚火  
精焰二天曲極旗亭四月柳如藍紫騮嘶風黃金鑿豈無  
叩牛歌亦有捫蝨談天生晚品啐律骨蒿菜槁死誰能甘  
我欲登泰山扶筇歌天關東溟若木如可攀手弄出日青  
雲間我欲渡黃河赤脚滾秋波水仙樓閣高嗟峨輕叱海  
若管蛟鼉停君翠杓聽我綠桐真人開天六合同風騶虞鳳  
凰飛舞鎬宮有線五色獻于重瞳補舜衣裳山龍華虫虎  
豹九關兮不可以達吾則脫冠歸來兮丹丘之青峯長揖  
二三子目送西征鴻

別離曲

杏花紅豎紗窓雨畫欄孤禽弄嬌語翠綃曉帳雙娥愁淚  
濕菱花怨歌舞龍香記昔調哀弦一絲指撥春風前羅衾未  
爇驪駒發柳條折盡長亭寒燕釵分恨蔽塵玉夢斷雲深  
楚江綠舞鸞折翅錦字空魚目晴波接紅燭江南賈客千  
黃金停鞭欲換天涯心從教門外苔痕老繡鞋不過屏山陰

居庸關

車稜二石確二車声彭二闕石角馬啼跳石二欲落不知何年  
鬼斧鑿僅與青天通一握上有藤束萬仞之岷下有泉噴千  
丈之壑大行羊腸蜀劍閃身熱頭痛懸度索一夫當關萬

夫却未必有此奇岷岷等皇神聖混地絡烽火不紅停夜柝  
但有地險今猶昨我扶瘦筇息倦脚欲扣往事雲漢：平  
沙風起鳴凍雀

葛嶺行

葛嶺相君之故居昔年甲第臨通衢錢橫花間斃作運錦  
鋪泉底疏為渠後庭三千傾城姝歌舞絕世冰肌膚麒麟  
銀裳龍銷裾佩以文羅木難珠相君出擁萬帟士各操關  
戢左右趨 劍履上殿帝賜坐馳蹄七寶分御厨望塵拜者  
頌元老伊尹周公所不如豈知一旦事瓦裂衣銀鐺鐵鎖載以  
驢我偶過此訪廢址狐兔縱橫草焦枯琨臺瓊砌不復見  
已有野人來種蔬却恠當時鑿隧道挾詐出入潜如狙大臣  
一身佩天下版廬複壁何認欵山童從我一壺酒迴首落日  
悲歎歎摩挲仆碑共踞坐尚是御賜凌烟圖

銅雀臺

古臺百尺生野蒿昔誰築此當塗高上有三千金步搖滿  
陵松柏圍鳳綃西飛燕子東伯勞塵間泉下路迢 龍帳  
銀箏紫檀槽怨入漳河翻夜濤人生過眼草上露白骨何  
由見歌舞獨不念漢家長陵一杯土玉匣珠襦鎖秋雨

金陵

六代帝王州寒煙滿石頭星河天北轉江漢水東流步絕金

蓮雨歌殘玉樹秋白頭有漁者猶說景陽樓

○樓業廟

古廟千年後業陰滿涿州亂山空北向大火已西流遺恨三分國英風百尺樓里人牲酒真想像來龍浮

開平即事

天開地闢帝王州河朔風雲拱上游雕影遠盤青海月鷹  
声斜度黑山秋龍岡上繞三千陌月殿香飄十二樓莫笑青  
衫窮太史御烟曾見來龍浮

邯鄲懷古

數點寒峰擁翠嵐叢臺日落見漳南火枯衰子殘銅斗土

蝕平原舊玉簪宮闈沙丘空有雀兵吞函谷已如螻蛄回仙迹  
旅今存否世上黃梁夢正酣

鄂渚晚眺

黃鶴樓前木葉黃白雲飛盡岸茫茫櫓聲搖月歸巫峽燈  
影隨潮過漢陽庾令有塵汗簡耕補生無土蓋文章闌干  
只有當年柳留與行人記武昌

○鳳凰山

浮屠百尺聳亭二落日鴉啼野蔓青故國盡銷龍虎氣空  
山猶帶鳳凰形金根輦路迎神駕玉樹歌臺語梵鈴惟有  
錢塘江上月年二隨鷹過寒汀

鳳凰臺

鳳凰臺上野烏啼  
笳鼓連雲日又西  
天地無情潮寂寞  
英雄有恨黍高低  
殘柝夜雨迷  
朱雀荒塚秋風怨  
白鷄空有斷碑蒼  
蘚裏千年留得謫仙題

交趾使還

少年偶此請長纓  
命落南州一羽輕  
萬里上林無鴈到  
三更函谷有鷄鳴  
金戈影裏丹心苦  
銅鼓聲中白髮生  
已喜歸來身健在  
夢回猶覺瘴魂驚

平江

滄浪亭下望姑蘇  
千尺飛橋接太湖  
故里空傳吳稻蟹  
寒

祠猶記晉萼鱸  
芙蓉夜月開天鏡  
楊柳春風擁畫圖  
為問館娃歌舞處  
鶯花還似昔年無

送羅子有奉亦愚右丞之喪歸杭

風沙萬里一征鞍  
短帽朱髯淚未乾  
廣武山川空阮籍  
長平賓客只任安  
故園有夢鶻聲急  
大廈無依燕翅寒  
江左故人如見問  
為言灯火客金盞

丞相安安延說四書因以詩呈

帶礪家聲耀八寰  
中書獨塵紫鑿班  
捧持日月祥雲上  
洗滌山河湛露間  
綠竹正歌淇澳美  
赤松聊伴穀城閒  
聖門別有經綸事  
更對青灯話孔顏

伯安慶府呈貢父

共擁旌幢度百蠻今朝忽過皖公山幸承乙夜君王問更  
喜十年奉使還舊夢未迷天祿閣新愁猶憶鬼門關塵纓  
咲灑滄浪水小伴沙漚半日閑

與李子構讀天寶遺事

四十乾坤拱紫宸東風只屬倚闌人玉鳧波暖驪山曉金犢煙  
橫綉嶺春七夕有釵留羽客千秋無鏡泣孤臣紅塵一騎君  
休咲中有漁陽萬騎塵

汴陽龍德故宮

書來海上勸休兵已見金輪逐火精黜絕絳樓無鶴咲朝

空丹袞有孤鳴羽袍士尚傳三洞介憤人誰報六更一代興  
亡真大夢陳橋駟畔見青甍

淮陰侯廟

漢家羅罔正高張誰有勲名紀大常戲爾登壇呼大將危  
乎操印三真王烟中草木疑殘幟沙上風濤憶故囊鐘室  
千年君莫怨未央宮殿已斜陽

日南感懷

老母粵南垂白髮病妻燕北待黃昏蠻烟瘴雨交泪客三  
處相思一夢魂

博浪沙



一擊車中膽氣高  
祖龍社稷已驚搖  
如何十二金人外  
仍有民間鐵未銷

祝蕃字蕃遠上饒人饒州教授

卽席和貫學士月氏王頭飲器歌

單于宝刀寒映雪  
月氏鬪髀飲冤血  
泥丸真人辭絳宮  
麴生時能醉其骨  
閔氏夜張蒲萄香  
拍春霞灑秋月  
賢王起舞谷蠡歌  
傳飲勸呼兩耳熱  
灯前人影半闌殘  
灯後青燐已明滅  
持杯為尔流嶙峋  
胡為對此傷精魂  
弓虵猶能致惑疾  
智瑤豈是無心人  
頭顱如此當速朽  
生擒誤入仇家手  
忍將鳴鏑射頭曼  
呼嗟降主尔何有  
後來漢使湑水東

猶待留犁挽盟酒

揭祐民字希常盱江人

瘠馬圖

念汝出塞下四蹄疾如飛  
半夜駭臨關氣奪戎王圍  
披鐵踏河冰幾度向武威  
將軍事百戰騰力不須肥  
祇令飲源流齒老不任機  
坡寒莫風酸積瘠春草微  
百盛盡孝意要見駿骨稀  
但看古英賢一生常寒飢

何失字得之昌平人

感興四首

大寶隱於石哲匠莫嚴真  
猛虎走四野尺草豈敵身

來者虎不見投石安足取所以下和泣千載共沾巾  
飲酒莫啜漓結交當求知論人先論行相馬不相皮一語  
余何敢三讒親亦疑投身入屠釣猶勝生書癡  
人皆欲富貴戒豈願貧賤貴雲一差池如藥勿瞑眩幼學若  
不多夜思曾得半今也髮盡白梳頭雪滿面長恐愧鄉  
閭一朝死愚懦

渥洼騏驎兒自有絕塵足錦幃過都門飛來射衆目歎彼  
轅下姿亦非駕駘物世乏伯樂儔誰識千金骨所以荷蓑  
士烟水日淪沒

招賈元播馬德昌飲

積雨釋炎熱涼颼變清商薄帷納朝景倏尔頽西廂念我二  
三子不來復一觴言咲吐蘭菊芬芳粲中堂仰慕不昨日忽  
別君殊方况各迫桑榆何以永夕光

方鏡

十八事舅姑機杼任蓬首照面不照心照心妾不醜

何中字太虛臨江人

贈元復初

暖雲流青堤先風轉芳甸遠在天一涯幽沉眼聞見點二秋歸鴻  
翻二春來燕天路萬里通胡為絕遐睠竒姿奪南國悵望塊  
踈賤良會慙宿心願君畢歡宴

○ 知非堂夜坐

前池荷葉深微涼坐前爽人歸一犬吠月上百虫響  
余非冷  
隱淪隙地成偃仰林端斗柄斜撫心獨悽愴

○ 風雨

池上風雨未柴扉人跡絕隔水煙氣生林峯半月減  
蛤吠秋  
草深魚驚晚荷折孤坐倚匡床微紅隱天末

元音卷之一

元音卷之二

陳益稷 交趾王

○ 大明殿侍宴

班陪玉笋侍紅雲日表熙：瑞氣溫萬派朝宗滄海闊  
衆  
星環拱紫宸尊雍容湛露歌詩什彷彿鈞天入夢魂  
孤孽  
秋毫皆帝力願殫忠赤報深恩

○ 挽河南王

哲人萎矣棟梁傾回首西風泣暗零三世功名今古史百年過客短長亭手扶紅日名猶在身就黃梁夢不醒記取汾陽舊勲業紫薇留種繼芳馨

○ 駕畋柳林隨侍

仙仗平明擁翠華景陽鍾發海東霞千官捧日臨春殿萬騎屯雲動曉沙白鷄鞞翻山霧薄黃龍旗拂柳風斜太平氣象同民樂南北梯航共一家

○ 送元復初

江流脉脉草離離黃鶴磯頭酒一卮報國寸心憐我老論交半面識君逢正當重鼎調梅日又是長亭折柳時滿載

詩書歸路穩鳳城依約更相期

趙世延

○ 代祀南岳登祝融峯

天風吹我攝雲根一覽群山蟻垤紛瀛海波翻初日上石門雷動半空聞炎荒作鎮荆吳遠元氣浮形天地分何日攝衣登芋室孤峯絕頂看浮雲

趙半閒

去婦詞

里有孀婦子不捨而無室既疾病乃亟為娶且命之曰為汝娶為宗祀計也未幾死而子竟違母言尋出其婦

婦以衰麻在身義不得去被迫逐不可留因為詩以寫懷云

落葉不返柯去婦無歸年歛袂出故帟獨影心悽然君心  
紙鷲飛萬里難拘牽妾如鬢邊花未衰先棄捐憶昔初嫁  
君姑病在床前歲月能幾何衰麻奉姑筵妾今辭門去撫  
棺淚如泉九原會有知當為去婦憐

鮮于樞字伯機

過桐廬漏港灘示舟人

驚流激長灘百折怒未已篙師與水爭退尺進纔咫尺窮  
解衣下力排過乃止維時春冬交冰雪寒墮指我時卧舟

中起視穎有泚迂踈一何補辛苦愧舟子

華鯨引

石上桐孫羨如玉化作長鯨喚僧粥香嚴一擊六根開剝  
落皮毛換凡骨中郎却顧中散驚初非爨下鳴不平批鱗  
拔角就繩墨龍門綠綺瘖無聲昔聞北溟魚化作天池鵬  
今見橫海姿解作威鳳鳴蕭然敗棺材蠢尔牛闌撐龍騰  
虎變固有待不遇賢音徒尔靈君不見飯牛自賣亦何者  
逢時自致千秋名

望嶧山

東方巨鎮宗岱宗群山列侍臣妾同西南崛起一萬仞却

立不屈如爭雄何年天星下天宮陸地化作青芙蓉外如  
刻削中空同閬風玄圃遙相通我昔東遊訪青童群仙招  
我遊中峯悔不絕粒巢雲松失身誤落塵網中如今可望  
不可到艤舟空羨真飛鴻神仙可學事亦晚安用屑二悲  
秋蓬吾聞嶧陽有孤桐鳳凰鳴處朝陽紅安得斷為寶琴  
獻天子為民解愠歌南風

建德溪行

山截溪將斷川迴路忽通鳥飛青嶂裏人語翠微中玄圃  
參差是桃源想像同平生苦行役翻愛打頭風

石橋山留題

旁通日月上星辰有路遙應接玉京仙奕未終人物換秦  
鞭不到海波平當時混沌知誰鑿他日崆峒強自名枯樹  
重榮事尤異欲從樵者問長生

程文海

字鉅夫號雪樓廣平人

○ 題許仁仲詩卷

殘雪詞林退食時小窓開卷髻如絲音傳正始誰同調氣  
逼元和稍自持文字不隨前輩靈風流只許後人知霜清  
月冷梅花瘦獨對熏爐看欲疑

趙孟頫

字子昂號松雪吳興人學士承旨

古風十首

詩亡春秋作仲尼益苦心空言恐難托指事著已深大義  
炳如日萬古仰照臨鳳鳥久不至楚狂乃知音愁來不得  
語起坐彈吾琴

周衰有戰國紛々極荆榛黃金聘辯士駟馬迎從人朝為  
刻骨讎暮作軟血親終然志力屈奉身俱入秦

相如賦大人出語頗奇怪飄然凌雲意過耳誠一快誇言  
入無際自覺塵俗隘安知翻成勸何用名為戒

自有天地未蓬萊幾清淺人生空皓首舉世誰得見瑤臺  
在何許湫々烟波遠方舟不可渡使我空展轉

絕代有佳人被服綺與紈蛾眉秀聯娟吐詞馥若蘭清歌

啓皓齒瑤琴發哀彈一彈再三歎聽者涕沱瀾借問誰家  
子為言本邯鄲

秋風吹亭樹故葉紛以墜明月耿夜長草虫促經緯四序  
苦不淹少壯何足貴展轉復展轉寤寐不能寐昔為閨中  
秀今作市門鄙豈無膏與沐甘心得憔悴

山深多悲風日暮愁戒心玄雲降寒雨松柏自哀吟人生  
百年後奄然闕重陰念此每不樂天路何由尋仙人偃佺  
輦消搖在青岑柰何不尔思委命重黃金

海中有奇樹繁々珊瑚枝由來植物性無懷可推移如何  
石氏子樹之白玉墀洛陽經幾戰金谷久荒夷徒令千載

下聞者為傷悲

烈風號枯條落葉滿周道原野何蕭索川流亦浩：離居  
日以遠懷思令人老功名會有時生世苦不早願瞻靡所  
騁憂心怒如擣

浮雲何方來不知竟安之飄颻隨風去汗滂以為期自昔  
功名士往：事驅馳白駒空谷中堆能加繫維皎：難見  
容翻受世妍蚩虛名誠無益不見斗與箕

逸民詩

驅車秣駕馬吾將適齊國聞有魯連子個儻好奇畫一談  
秦師走再說聊城拔功成不受賞高舉振六翻布衣終其

身豈復為世役茫：千載遠安往訪遺跡躊躇東海上向  
風長太息

四時相代謝榮耀安足恃瓜田引新蔓不見桃與李知中  
解其會遇坎當履止邵生故秦吏乃亦睹茲理賢哉感我  
懷三嘆不能已

子真初亦仕歲晚乃逃之區：南昌尉上疏忘其卑忠言  
不見用耿：當告誰飄然弃妻子終身與世辭抱關甘貧  
賤所遺莫我知至今九江濱清風激群黎神仙信茫昧此  
士獨不疑孤雲無定在逝水河時歸遐思一矯首悵望何  
由期



悠、空山雲決、長江流廊廟意不屑山澤聊淹留故人  
在天位高步追巢由豈曰子無衣辛苦被羊裘東京少節  
義之子乃其尤窮居雖獨善輔世豈不優

汪、千頃波不為人濁清道周言行表蕩然無得名誰言  
牛鑿見乃是人中英當時無間言後世流德聲思之不可  
見使戒鄙吝萌淳風久已漓此意豈復明時無君子者雖  
賢寧見稱

南州有高士食力事畊稼優游聊卒歲不矯亦不隘木  
行欲顛緋纜豈足賴何為諸老翁栖、不違舍斯其非無  
見明哲自高邁誰能懸一榻待子來稅駕

鹿門何亭、下有避世賢鳳雛隱中林卧龍蟠其困一朝  
起高翔斯人獨深潛功名不可為我志久已安一聞耆舊  
傳使我心悠然

黃鵠羽翼長一舉思千里幼安本中原乘槎走東海舉世  
方尚同遠引存吾志流風漸異俗敦禮化鄰鄙子魚平生  
交胡乃不相委

塵事非所便田園久見招歸來三徑中蔚、長蓬蒿雖有  
荷鋤倦濁酒且自陶茫、大化中委運將馬逃唐虞去已  
遠由來非一朝粲、霜中菊采、忘其勞

至元七年濱州軍士劉平之戍棗陽與其妻胡俱道宿  
車下平為虎所得起追及之殺虎脫其夫吾聞之中原  
賢士大夫如此乃為感激慷慨作烈婦行以謗之  
客車何焯：夫挽婦為推問君將安去言往棗陽戍官事  
有程宿車下夜半可憐逢猛虎夫命懸虎口婦怒髮指天  
十步之內血相濺夫難再得虎可前寧與夫死毋與虎生  
呼兒取刃力與爭虎死夫活心始平男兒節義有如此萬  
歲千秋可以奉明主馮婦卞莊安足數

題商德符學士桃源春晚圖

宿雲初散青山濕落紅繽紛溪水急桃花源裏得春多洞  
口輕烟搖綠蘿綠蘿搖烟掛絕壁飛流直下三千尺瑤草  
離：滿澗阿長松落：凌空碧鷄鳴犬吠自成村居人至  
老不相識瀛洲仙客知仙路點染丹青寄輕素何處有山  
如此圖移家欲向山中住

送朱仲陽太平教授

列仙之儒山澤臞手中黃紙新除書教官雖冷實清選當  
塗山川如畫苗我生無能百不如盍不從君賦歸歛請君  
為我酹太白橋首南望心煩紆

謝鮮于伯幾惠琴

云是許旌陽手植桐作

仙人已歸白雲中空餘手植青枝桐根柯盤鬱如蛟龍一

朝霹靂驅雷公烈火半焚隨風風箕子之裔多髯翁才氣  
邁俗驚遇蒙抱持來歸尋國工斷為二琴合商宮我來自  
此欣相逢持一贈我為我容自吾得此不敢寐中夜起坐  
彈秋鴻下絃清冷上黃鍾轉絃更張涕滿胸黃虞已遠將  
無同恨君不識牙與鐘恨我不識瞽與朦周南大雅當誰  
從

題黃素黃庭後

此書飄：有仙氣意其為楊許舊跡蓋人間至寶伯幾  
所藏也

琴心玉文洞玄：金紐朱錦乃汝傳子孫得之可長年黃

素縝粟完且堅橫理如髮約兩邊縱有赤道如朱絃文居  
其間走玄螳飛雲卷舒相終始大道甚夷非方便無為自  
然有至理誰能精專換骨髓掃除俗塵不瑕穢目中有神  
乃識真白玉為軹環車輪裹以天上翠織成仙人樓居儼  
長生鳶鶴翔舞猿猱駐子能保之慎勿驚宮室之中夜自  
明上清真人楊與許焚香清齋接神語手作此書畱下土  
千年沉傳子為主東方青龍西白虎廡不索兮貪勿與

題二喬圖

長江東去水滔：誰謂河廣不容舫中有喬家女兒淚何  
意師昏隨二豪龍虎相爭欲相啖鳶鳳有羽將安逃不見

當時老諸葛獨聘醜婦何其高

○ 贈永清曹縣尹

赤縣郎官宰清朝學士班雲端  
雙履冷花裏一琴聞鴻鵠  
宜天路麒麟近帝闕無當從此召  
豈侍及瓜還

○ 送吳禮部奉旨詣彭湖

為國建長策此行非偶然  
止戈方見武入海不求仙  
朱綬為郎日金符出使年  
早歸承聖渥畫像上凌烟

○ 送翟伯玉雲南省都事

萬里雲南路青山落照邊  
省郎新紫綬幕府舊紅蓮  
見面嗟吾晚觀文覺子賢  
祇應清泚氣不受瘴溪烟

題孫安之松楸圖

墳墓在萬里官遊今五年  
誰人無父母掩卷一潸然

過牧廢苑

一片中原地紛：幾戰爭  
至今將不去留與後人耕

萬歲山

萬歲仙山聳碧空廣寒宮殿最當中  
雲移錦石通三島路  
遠銀河接兩宮孔雀花濃深駐日  
鳳凰枝老細含風  
羊：歲：經遊輦自是昇平樂未終

壽不忽相公

新築沙堤凍未晞  
雪餘愛日轉春暉  
黃鍾律應迎中氣  
執

法星明拱太微儀鳳自因夔樂至祥麟寧假牙冠威明堂  
政爾須梁棟赤日行看副衮衣

溪上

溪上春風吹柳花溪頭春水淨無沙白瀉自信忘機事玄  
鳥猶知有歲華錦纜牙樞非昨夢鳳笙龍管是誰家令人  
苦憶東陵子擬向田園學種瓜

題岳武穆王墓

岳王墳上草離離秋色荒涼石獸危南渡君臣輕社稷中  
原父老望旌旗英雄一死嗟何及天下中分遂不支莫向  
西湖歌此曲水光山色不勝悲

聞擣衣

露下碧梧秋滿天砧聲不斷思綿綿北來風俗猶存古南  
渡衣冠不復前苜蓿肥死騾囊琵琶曾泣漢嬋娟人間  
俯仰成今古何待他年始惘然

和桃子敬秋懷五首

落日孤城動鼓鼙樓中畫角不勝吹山川蕭瑟秋雲淨草  
木凋傷暮雨悲多病馬卿聊暇日教寄李廣不逢時卷簾  
白水青山外隱几無言有所思

吳宮烟冷水空流慘淡風雲黯九秋禾黍故基曾駐輦芙  
蓉高閣迫添愁綉楹錦柱蛟龍泣金杏瑤階鹿豕遊宋玉

平生最蕭瑟欲將九辯賦離憂

銅雀春深漢苑空  
邯鄲月冷照秦宮  
烟花樓閣西風裏  
錦繡湖山落照中  
河水南來非禹迹  
冀方北去有唐風  
溪城秋色催遲暮  
愁對黃雲沒斷鴻

回首風塵雙短鬢  
側身天地一儒冠  
中原人物思王猛  
江左功名愧謝安  
首宿秋高戎馬健  
江湖日短白漚寒  
金尊綠酒無錢共  
安得愁中却暫歡

野曠大低木葉疎  
水清沙白鳥相呼  
胡笳處：單麾滿鬼  
哭村：漢月孤  
新亭舉目山河異  
故國傷神夢寐俱  
黃菊欲開人卧病  
可憐三徑已荒蕪

○ 送陳都事雲南銓選兼聞李廉訪

送君銓選使滇池  
部落諸夷自品題  
明月夢回夔子北  
長風吹度夜郎西  
山連塞雨驛驢滑  
花落蠻雲杜宇啼  
為問霜臺李學士  
白頭官滿尚羈栖

○ 壽王趙公八十

儒仙弭節下蓬瀛  
燕處超然鶴晉清  
周室龍韜師尚父  
漢廷鳩杖賜桓榮  
中州大國封全趙  
東閣賢良位列卿  
白髮同僚欣盛事  
年：來此慶長生

杭州拱北樓

城上高樓接太霞  
令嚴鐘鼓靜無譁  
提封內向三千里  
比

屋同封百萬家心在江湖存魏闕身隨牛斗泛仙槎舉頭  
便覺長安近時倚闌干望日華

○東陽八詠樓

山城秋色淨朝暉極目登臨未擬歸羽士曾聞遼鶴語征  
人又見塞鴻飛西流二水玻璃合南去千峯紫翠圍如此  
山川良不惡休文何事不勝衣

送吳思可掾管汀州

七閩南去路崎嶇五馬承恩出帝都地氣喜聞今有靈民  
生寧似昔無襦山城酒美頌鸚鵡旅館春深聽鷓鴣它日  
相思應悵恨離筵不忍賦驪駒

送閻子靜廉訪浙西

翰林華蓋逼青真憲節乘驄出帝城海內文章歸渾厚浙  
西民物望澄清姑蘇落日荷花淨震澤秋風橘柚明憶向  
玉階承草詔早聞黃閣慰蒼生

送戴真人歸越

躍馬年々塞北遊春風此日送歸舟山中樹老飛玄鶴江  
上莎長卧白鷗未許謝公同隱逸肯容賀老獨風流山陰  
道士如相會沽取松醪醉未休

錢董尊師還山

太極山人壽且康法宮高砌埒琳琅山中學道降龍虎天上

觀光翳鳳皇玉筮曾蒙五色詔金尊還賜九霞觴于今更  
許歸山去萬里雲林江水長

送張扶泉還山

上界仙人不可招九重丹詔許道遙已從萬里開真館又  
入天台訪石橋紅日玉堂香冉冉碧雲含水踞迢迢何年再  
覓神州觀芝草琅玕雨露饒

送吳真人謁告歸為二親八十之壽兼降香名山

許邁楊羲奕世仙木公金母共長年班衣歸戲鄙君側逢  
節朝辭玉帝前去青牛隨紫氣飛白鶴繞香烟大椿  
自得人間壽八十從今數八千

送蕭萬戶鎮閬州

錦屏山下蜀江清閬州城南春意生投壺今見詩書帥樹  
羽遙連鼓角營遠戍固須煩將畧雜畊因足見民情梅花  
到日應如雪折取繁枝一寄春

贈脫木兒恣

將軍鐵馬擁瑯方壯歲分符鎮越中山水多情同賀監兒  
童拍手愛山公紫髯似戟君猶壯白髮如絲我已翁悅禮  
敦詩殊不忝看君真有古人風

海子上即事

小姬勸客倒金壺家近荷花似鑑湖游騎等閑來洗馬舞鞋



輕妙近飛鳧油雲判汗纒頭錦粉汗生隣絡辭珠只有道人塵境靜一襟涼思詠風雩

錢塘懷古

東南都會帝王州三月鶯花非舊遊故國金人泣碎漢當年玉馬去朝周湖山靡：今猶在江水悠：只自流千古興亡盡如此春風麥秀使人愁

登金陵雨花臺遂至故人劉升亮墓

雨花臺上看晴空萬里風烟入望中人物車書南北混江山襟帶古今同魚龍未蛰霜先殞鳳鳥不鳴江自東綠髮劉伶緣醉死往尋荒塚酌西風

酌突泉

灤水發源天下無平地擁出白玉壺谷虛只恐元氣泄歲旱不愁東海枯雲霧潤蒸華不注波濤聲震大明湖時來泉上濯塵土水雪滿懷清興孤

次韻左轄相公

昔年閭里自浮沉卽省那知遂有今老去馮唐堪底用愁來在鳥向誰吟上林柳葉春猶淺西塞桃花水正深知已如公居鼎鼐不應去此泣南音

題趙子敬御史志養堂

志養堂前駘馬歸融：喜氣動庭闈能令將種爲書種可

是班衣勝綉衣手樹叢萱侵雪色心同寸草報春暉不須  
更上陳情表親壽康強世所稀

絕句卷首

春寒惻惻掩重門金鴨香殘火尚溫燕子不來花又落一  
庭風雨自黃昏

午枕花前暈欲流日催紅影上簾鉤窺人鳥喚悠揚夢隔  
小山供完轉愁

庭槐風靜午陰多睡起西牕日影過自笑老來無復夢閑  
看行蟻上南柯

杭州雨中

江南十日九風雨花柳欲開無好春却憶京城二三月秋  
千風煖漲香塵

部中莫歸寄周公董

日莫空階生白烟歸來羸馬不勝鞭明朝又逐鷄聲起辜負  
日高花影眠

和黃景慶雪中即事

公事幽閑子不知微官束縛我堪嗤年來筆硯荒蕪甚旋  
理耰鋤墾惡詩

梅花

瀟洒江梅侶玉人倚風無語澹生春曲中桃葉元非侶夢

湖上莫歸

春陰柳絮不能飛  
雨足蒲芽綠更肥  
祗恐前訶驚白鷺  
獨騎款段繞湖歸

題水仙

翠袖盈々不受扶  
天風縹緲降麻姑  
便應從此東吳去  
幾見蓬萊弱水枯

題杜陵浣花

春色熏人苦不禁  
蹇馱醉晚駸々江花  
江草詩千首老  
盡平生用世心

采桑曲

野雉朝雊々且飛  
誰家女兒采桑歸  
欲折花枝插丫髻  
還愁草露濕裳衣

元明善 字復初 清河人 湖廣叅政

○ 跋南嶽壽寧觀碑後

朱陵靈臺天柱巍  
太虛寶洞綠烟扉  
上館赤帝朱鳥飛  
祝融宅南參爲旗  
羲娥兩曜愁蔽虧  
象緯今逼嗟位迷  
四觀燕吳與秦齊  
恒嵩泰華孰崇卑  
五氣頓布百志熙  
流祥阜物宣  
后祗雨風露雷  
豈其私惠尔下土  
尸者誰中有異人  
餐赤芝夜眠秋霞  
晝天倪衣以青雲  
裳白霓風車八極  
驟兩螭七十二峰  
足幽棲琳宮貝闕  
輝陸離潛光煉魄  
如嬰

兒大舟入咽無渴飢誰其思之吳宗師神變倏忽方張施  
冷然御風渺何之太君歲晏嘉子期千秋萬歲受鴻釐皇  
圖景運永以丕手持芙蓉朝紫微旋飈天闔此來歸彭靈  
荅貺達尔垂磨崖鐫我瑤華辭

吳澄字幼清號草廬臨川人翰林承旨

徐州懷古二首

籍也楚世將江東八千兵僮脆肌骨上國足橫行乘憤  
西入秦畫錦歸彭城喑鳴千人廢諸侯莫敢爭竟生勇力  
亡漢以寬仁興

斯文六經後百世一昌黎饑寒登十年一朝從隴西生死  
終不召感恩報已知徐牧亦何人燕樓貯歌姬翩二傷弓  
鳥誰暇擇木栖丈夫出處難淚洒符離睢

別趙子昂

畸人坐書僻殊嗜流俗笑解弦三千秋已矣鍾期  
少近賦遠遊篇上下四方小識君維揚驛玉色天  
人表伏梅千載事疑獻一夕了詩寃正始上白晝  
雲龍矯樂經久淪亡黍管分毫杪瑟笙十二譜  
苦志諧古調科斗史籀來篆隸楷行草字體成  
十家落筆一如掃草木蟲魚影自植自飛跣曲藝  
天與巧誰實窺奧突肉食肉眼多按劍橫道

寶鶴書微為郎瑚璉  
愜清廟班資何足計  
萬世日杲二蹇  
駕勵十駕天下與君操

題閻皂山

漢吳仙跡兩峰齊  
欲拾瑤華路恐迷  
室殿青紅疑地湧  
林巒蒼翠接天低  
九重香案分雲篆  
八景琅函記玉題  
仙鶴翔空清似水  
步虛聲在朶雲西

張養浩字希孟號雲莊老人濟南人

王內翰哀挽

束髮耽經晚益勤  
平生精力盡斯文  
前朝十老今餘幾  
當代三王獨數君  
李賀奚煩韓愈駕  
羊曇空阻謝安墳  
玉堂

寥索人何在落日溪  
窓滿白雲

贈李祕監

畫御容  
至治間曾

封章曾拜殿庭間  
凜々丰儀肅九關  
迴首橋山淚成血  
逢君不忍問龍顏

文子才

次元復初韻送虞伯生代祀江瀆

成均十載攷遺經  
未識沙墩長短亭  
旌旆曉霞穿化日文  
章秋月映華星  
鳥鳴春盡岷江白  
鷓沒天低隴樹青  
四海車書今混一  
摩挲劍閣重鐫銘

滕賓

號玉霄雅陽人江西儒學提舉

感寓六首

宇宙忽空闊飲馬萬里流平生負兩眼及此行寓州天清  
健鶻運木脫飢鷹投長風吹海雨濯我紫綺裘相逢半遊  
俠把酒髯如虬慷慨說史記歷三山川秋向來衣帶水日  
短何無舟

吾愛東方朔高揖金馬門向非玩六合安肯來崑崙昂  
九尺身談辨黃河翻誰知上書意蛾眉非自婚不見馬相  
如俛首猶監恩人生非桃李何故不自言

吾愛李太白玩世如游龍自知天上謫何必人間容海風  
吹綠髮蕭蕭卧雲松我昔夢見之遺以金芙蓉清輝恍在

眼月落蛾眉峰

西風桂花落我上天台山仙子扶我手冷然蒼水環乘鳶  
者誰子飛烟渺難攀三生此遊戲弄影銀河灣空山忽風  
瀑四顧鳴潺湲長揖馬子微此豈非人間

春風如綠浪淡蕩洛陽柳高樓語錦瑟落花泛綠酒何人  
白鼻騮蒙茸紫貂袖一字或未識銀篆懸兩肘煌煌具宮  
珠迺落緯肅手爰居偶鍾鼓犧牛竟文繡終然同一盡豈  
復論好醜誰知草玄者窮卷閉白首

缸頭書十乘缸尾酒百壺酒盡書在眼落月如明珠忽悟  
八陣法縱橫如何圖惜哉經世士未有窺唐虞季子相六

國所見堆陰符

吟人

吟人瘦倚曲闌干酒醒香銷午夢殘燕子不來春社去一  
簾疎雨杏花寒

劉祈

古意

秋江有芙蓉顏色好鮮潔褰裳欲采折水深不可涉嚴風  
下飛霜芳艷空凋歇帳望一長嘆臨川無桂楫

送雷伯威

朔風起天末落木鳴空山水霜正凝  
返遊子百里還出郭

送將別徘徊上高原如何睽離情對此芳歲闌壯士志四  
方不須涕汎瀾人生非山海會面亦不難願子崇明德餘  
功振文翰長因東南鴻惠我金玉言

葉李

字太白謚文簡富春人中書右丞

壽馮大使

帝遣皇華遠有光可能白首老中郎雲臺偉蹟推馮異天  
榜魁名說馬涼花柳無私春鼎三松椿不老歲蒼三傳聞  
又攬澄清轡一道平反福更長

郝天挺

號新齋官左丞

○ 麻姑山

路入尋幽景便嘉石田瑤草帶煙霞注經洞古亡遺檢養  
藥爐存失舊砂青鳥空傳王母信綵鸞應到玉皇家岩扉  
不掩春長在老却碧桃無數花

李京字景中真定人

留別都城諸公

蒼龍雙闕鬱岩堯曾待鳴鳶趨早朝往事已隨塵袞：虛  
名贏得鬢蕭：長林豐草空相憶瘴雨蛮煙苦見招借問  
都門：外柳烏誰留著蜜長條

杜瑛字文玉號統山

吊故宮

月上觚棱耕壁濕飢鳥啄碎琅玕石劫灰飛盡海揚塵廢  
殿荒臺土花碧洛陽書生汴梁客一夜秋風頭欲白尊中  
賴有酒如泉醉倚寒窓破愁寂

○ 秋思

壯心忽：劇懸旌秋氣能令客子驚白雁不聞雲外過清  
霜先向鬢邊生銅駝巷陌周東士金鳳樓臺鄴北城千古  
繁華俱一夢空餘草木戰風聲

征南口號

春草雲南麥已黃瀘江蒸霧水如湯馬蹄半帶陰山雪變  
作人間六月涼



元音卷之二終

元音卷之三

袁桶 字伯長號清容四明人叅知政事

次韻元復初春思三首

東樹回青陽羈禽競新哢喧喧人語浮稍稍春事動澄心  
絕芳華小睡足幽夢：覺天宇新朝光集飛棟  
游塵逐平皋秀色翳榛莽油雲互東西鬱抑不能兩昭蘇  
在玄功竟夕復延佇何當拱其頤振翮窮委羽

遠客芳草思湛湛天外舟生今親知  
疏低徊此淹留古樹擢竒石清流  
匯芳洲素心諒有在胡不爲茲游

送邵元道四首

仲連匡世姿揮手却秦軍捷快停  
白日登車抗浮雲射書誠草草孤  
城死生分離居敦厚俗矯抗離其  
群

虞卿舌轉九揣事精微芒事危見  
交態窮愁名益光黃金散逝水白  
璧凝飛霜夫夫有定志得失非豫  
防

梅生一尉微喋喋正天厄洗心洞  
玄化削跡無妻子龍變孰烏馴蟬  
蛻乃真止松迴風冷上水落菑  
菑

襄陽孟浩然拂衣歸故山放浪岩  
漿深流泳遺人間舉袖

林花落擊楫江鷗還羊公何墮淚  
水聲日潺潺

送王繼學馬

上都二首

玉京高處雪流脂連挿鷄翹綠髮  
垂蹠蹠有泥歌獨漉琵琶無夢說  
相思黑河舊樂催填譜白海名花  
擬進詞羽獵上林俱罷賦鄉雲何  
以報明時

淺波平疊磧漫漫拂嶺青帘罨畫  
看毡屋起營羊胛熟土房催頰馬  
駟乾桐官走驛傳金梳冰正分奩  
貯玉盤莫上鄉臺望南北白雲微  
處是槍竿

觀物

黃河不信從天下濟水那知有伏  
流自古乾坤合神化空

將簡牘費冥搜張華博物身終死鄒衍談天舌竟休我亦  
後今銷綺語春風碧眼玩沙灘

寄開元奎律師

雙塔亭亭透夕陽芭蕉深處碧窓涼江神夜聽光明偈天  
女朝分解脫香齋鉢半空鳥守樹經堂雲冷鶴歸房平生  
欲結西方往似恠淵明作吏忙

○ 無題以馬伯庸韻四首

金縷歌殘月滿江玉顏曾憶侍油幢象床雲重恩專一鯨  
錦波翻賜疊雙春淺正宜擅作幕夜涼深恨鮓烏窓浣沙  
可是無虛匹側足寒溪澗石淙

翠簾匝匝護朱光千葉宮桃滿院香闌苑有鶯啼尺素虛  
橋無鵲寄流黃上林賦罷歸巴蜀興慶詞工謫夜郎不是  
月中親度曲世人那解聽霓裳

相其未似石城潮日望晴虹結絲橋却月眉愁散漸遠凌  
波步近意非遙抽琴有恨迴清角疊袖無塵轉綠腰弄玉  
寂冷隨鳳去秋未誰與伴吹簫

白髮詞臣兩耳垂華腴堆笏陋牛醫宮娥引燭催麻日院  
吏傳更寫制時蠟燃化生秋夕賜翠標疊勝歲華移低頭  
欲說唐朝舊願侍虛皇進玉卮

峻壁層峰負六鰲藥欄花檻翠周遭如何畫史同群吠不  
與君王繪族熬

葛仙翁移居圖

翁媪相携入翠微轉頭猶有可憐兒丹砂不是神仙藥勾  
漏歸來鬢已絲

宮女度曲圖

望瀛法曲紫霞觴更按伊州奉玉皇翠竹涼深宮院密新  
聲那得過宮墻

吹韻玉筵學竹枝宛轉詞

聞郎腰瘦寄當歸望進天邊破鏡飛昨夜燈花圓似粟

倚門不肯送郎衣

盧亘

字彥威汲郡人翰林待制

送鄧善之提舉江漕十首

北門古深嚴論思寄籌度自非鴻才士訓誥何猶作夫君  
出巴蜀文采動京洛十年掌絲綸擒藻揚景樂荆璞抱瑾瑜  
龍淵淬鋒鐔肯獻上林賦寔居天祿閣即今觀浙江眷恋睇  
金雀黃圖鬱紫氛絳節生碧落依然難為情清霜養飛霍  
春秋嚴筆削凜若執玄鉞君獨抱遺經結髮飽剗刷明剖  
是非心微探義理窟下視群兒愚爭端王正月竭耒奮直筆  
浩然心思竭王功與帝德昭昭日月揭胡為厭詞林擬欲觀



百年內昂昂何所施孤鴻東南征浮雲西北馳可憐萬感  
身會合須臾期安得弄明月皎皎遠憂疑折花芙蓉浦蕩  
漿江潢涯優游以卒歲身召良不隳

游雲蒼鱗宮闔闔不可叫徒令虎豹閔日月近輝耀濛濛  
八表塵隱隱萬彙竅泯然一歸途伊誰執其要栖栖聖者  
徒禮樂懷窈眇開門忍朝飢風雨深蓬蓼今年江海去光  
景短螢燭禾黍滿故墟閨巷餘返照揮絃送飛鴻今古入  
長嘯

昔我適吳會日夕承歡顏高堂樂起舞綵服何扁爛東湖  
洶波濤西湖翠煙鬟北歸餘十年謬跡通朝班家禍一朝

集音容何可攀悲號蒼穹迥往事思日艱命窮時亦迫志  
弱体自孱安得騰花術從君超人寰執手不忍訣臨風涕  
空潛

我留君勿思君歸我當憶十年膠在漆一旦各異域吳江  
激微波震澤起愔色鷗鵬隔天地鴈鷺雜南北念我平生  
交倉恨摧胸臆獨看燕山雲歲暮日初昃永言長風翔情  
寄南風翼

題金顯宗墨竹

天人賦物如天工墨光洒竹面天容千年勁玉寒不死清  
波照響悲吟龍烟凝草綠承筆斁鬼冷秋霜月如練長毫

寫影行不知子夜歌殘空記面春雲一散風吹塵茫茫海  
色翻青鱗金山淚痕愁漢月尚憐玉軸隨時新夢跨茅龍  
上天去女媧補天天不語海綃畫鳶生翠羽踏破銀灣濕河  
鼓射龍江深春不度風色蕭蕭怨千古

題張國綱理問塞河詩卷

導河積石堯解憂滔天之水成安流何年決蠶半南土清  
淮怒卷黃雲愁宣房既築漢歡喜越巫抱璧神老起害除  
梁楚二集成海溢西南九河死後來郢策知誰賢何人捧  
土能防川彭城樓堞照黃土河平堰石愁金天吾皇放穀  
超萬古澤世餘功平水土睢陽塞决付賢侯解變狂瀾作  
安堵于今此功寧復有從容小試經綸手十年遺愛在邦  
民春風吹水濃如酒

馮海粟

字子正

塔燈

擎天一柱碍雲低破暗功同日月齊半夜火龍蟠地軸入  
方星象下天梯光搖灑灑沿珠蚌影落滄溟照水犀文焰  
逼人高萬丈倒送鐵筆向空題

胡寬

大明宮早朝

蓬萊拂曙色燁煜舒祥光九儀肅清蹕日月開旂常聖

人握金鏡繡錦臨玉堂咸英備雅奏圭璧輯群方飲蔗洽湛  
露敷息真龍章謳歌罄率土豈樂逢時康典文極藻績聲  
烈照前玉魏績鴻緒萬年斯無疆

劉致

字時中河東人翰林待制

青樓曲

峭寒暗靄雲籃綺鮫帳惜惜夜如水美人骨醉紅玉軟滿  
眼春酣不收起幽禽閃閃喚霜曙金壁屠蘇溢宵霧有生只  
合老溫柔璧月長掛瓊樹鴛鴦同心暗中結滿意芳蘭煖  
紅雪癡雲駭雨自年年不管人間有離別

秋雨吟

淫螢閃光飛不起八尺風漪夜如水仙妹不眠肌骨清起  
馭夜涼吹玉笙曲中忽作孤鳳鳴天帝感泣秋雨零旱龍  
竭死嗟莫及坐見扶桑落葉濕前溪水高龍夜吟不啻西  
郊老農泣

淮南歌

甓社湖中出明月斯須千古萬山白燭龍馳影不敢眠淮  
土風煙黯無色魑魅起啼鯁鱗舞荷風驚濤戰南浦湖天  
無光湖水立夜半行空洒飛雨東方搖搖天欲曙暈通啼  
老扶桑樹淮天幽幽澹空素老蚌潛輝窈無處

姑蘇臺



麋鹿應知易代類  
吳趨誰唱不堪聞  
捧心臺暗梨花月  
扶日門深薜荔雲  
閩水犀歐致劍氣  
騰金虎闔廬墳  
計然已死鳩夷逝  
寂寞五湖西日曛

燕中懷古

荆卿墳上草離離  
郭隗臺前對落暉  
戰國山河秋氣肅  
中原豪傑曉星稀  
乾坤納納無人識  
南北年年有鴈飛  
誰似廬溝橋畔柳  
安排青眼送將歸

李木魯卿

字子羣色目人翰林學士

范墳詩

宋蜀郡開國公范鎮景仁謚忠文其一世盛德偉烈光

著史籍人因知之其葬在襄城汝安鄉推賢里載東坡集中甚襄城故隸汝州紳耆來訪問故老其墳儼然尚在已為野夫豪農耕為禾黍之區矣范氏當金季猶有居墳左者自經兵燹不知所存附事嘆閔故為作詩以紀其槩幸在官君子知其為先賢遺壟庶有以處之

忠文峩眉英始也跡甚微堂堂薛簡肅與隼西南飛其人古庶子肯待芻醬婦所得一偉人天下大布衣引以實王家光朕春官闈昭陵宋仁主前星久無輝紀諱言所難雷雷每霽威雄哉煉石手妙補天巍巍丞相江南未雲撥扶桑揮舊得陳苦辭往往阮諤譏諸賢抗章疏弱卒攻堅

國公力幹禹鼎正氣阡黃扉荆舒憤至骨休語筆自揮贈  
之以薰蘭何往無芳菲時公與司馬聲諸王琴徽解冠御  
神武井老西山薇九寓日替替赤子將疇依兩公幸無恙  
起極或庶幾嗣君元祐初痛洗前人非民望屬司馬欲遊  
天為鞿帝命起公臥門久車馬駢君實了吾事此外何所希  
清風溢寰海不啻嚴陵磯公既晚家許道德人所排襄城  
卜封竈汝穎皆京所我未訪遺隴名姓存依稀來仍散兵  
燼兩雪無留罪公名在天下豈逐薤露晷誰能禁耕牧盛  
事束新機吾力不足振感嘆徒歔歔

閱故唐宮

錦佩走喊淮海波虬髯起操湯武戈盪民瘡痍六朝下天  
開百二秦山河我來傍徨舊官土細麥繁苾忽誰王終南  
王氣三百年仙李春風一个古春風吹夢天茫茫玉樓金  
殿春雲香開元舞馬散冥冥統干凍雀含悲涼世能蒼皇  
幾煙霧秦漢英靈不知處崑崙河脉自西來湘浦鴈行令  
比去

劉伯顏字朋叟

大駕還宮

宮闕歡迎大駕還九衢香霧拜天顏龍旗影裏明鈇鉞  
鼓聲中襍佩環肅肅錦衣人似海亭亭黃屋象如山封囊

又欲排闥闔領溥斯仁澤世間

曹元用 字子真汶上人礼部尚書

○ 次馬伯庸尚書韻

柳簇金溝蘸碧波雲深玉闕敞重坡鳳凰曲奏鈞天樂  
鳥鵲橋通織女河萬井閭闔春浩蕩六街車馬曉波陀  
山人素有林泉興奈此承明夜直何

張伯遠

餞祝直清

朝餐俎林椽夕飲虎窟泉幽棲豈不逸於道為未全是以  
火微星含輝麗中天雲蘿謝招隱冠帶趨興賢魯生贊制

作高老安疑然董子述徵驗賈誼明經權盛德有遭逢志  
士無棄捐長貧若忘世一出出千年折梅楚山阿賦詩江  
水邊寂寞思古人中懷烏君宣

李材 字子構

過黃陵廟

黃陵廟前湘水綠天寒漁郎唱巴曲沙棠舟上月蒼蒼翠  
蛟白蜃江茫茫似聞清愁五十柱萬里鴻飛楓葉暮神鴉  
翻舞祠門開珠裳玉袖霑莓苔玄猿晝啼薜蘿影赤鱗  
夜去芙蓉冷北渚淚痕班竹紋南風哀思蒼梧雲山頭古  
桂秋露碧山下江流豈終極荒涼獨車雜枉衡靈風自吹

烟露旌輕帆晚向芳洲泊聊薦蘋羞奠蘭酌沅有汜兮湘  
有洞庭水落生層波裴回獨詠騷人歌

壽杜侍御

黃閣老臣踵夔皋法冠蒼佩陪霓旌八龍委蛇卷春水一  
鷄搏控明秋毫莘勳玉策耀天府雄章銀筆翻雲濤奉觴  
獻壽碧桃晚南極正與文星高

老松偃柏圖

仙人解衣盤礴羸造化慘淡秋毫端枝柯千尺入層漢笙  
籟萬壑鳴鶯湍堂中日月不可老壁上雷雨何當乾秋未  
醉臥北窓下夢跨黃鶴天風寒

和春詩

鶯啼燕語花漸稀天明海碧涵晴輝洛陽臺榭春色在山  
陰衣冠昔人非夢雲何處燕紫席舞雪誰家裁芡衣燭有  
倚樓無限意年年烟草暮鴻飛

以韻裴都事朝回

海上瓊樓接五城人間歌吹近蓬瀛雲移豹尾旌旗暖日  
射螭頭劔戟明拜舞盡隨仙仗入退歸遙聽玉珂鳴欣欣  
百草含春意得傍東君暖處生

海子上即事

馳道塵香逐玉珂彤樓花暗弄雲和光風已轉瀛洲草細

而微添太液波月榭管絃鳴暗早水亭魚宴受寒多少年  
苦動傷春感喚取青莢對酒歌

○ 送省郎楊耀卿使雲南

飄飄時節出金闕郭隗臺前暫解携天入五溪無鴈到也經  
三峽有猿啼子雲舊里風烟在太尉家聲日月齊後夜客  
槎何處望秋河迢迢碧雲低

○ 禁城秋夕

絳宮星淡海無波九陌猶聞動玉珂闔闔微雲藏夕漏連  
章明月掛秋河此身天地流萍遠故國關山落木多欲聽  
釣天塵夢隔紫簫吹盡桂婁安

鄧文原

字善之巴西人國子祭酒

雨中吹范德機見寄雜興韻

窮巷積陰雨離居寘悵情安得盪埃風尚遙余上征長日  
有逝川春花無晚策永懷山澤居好趣潛英聲於陵方灌  
園龐公不入城此意豈忘世詠歌以灌清今我夢江國嗷嗷  
鴉鳴鳴不憂芳草歇但恐白髮生掃企前哲天言著貞誠  
悠悠莫識察思子携手行

都中宋元傑道去南歸

授鄣山山得過家都門津柳動春華還鄉近似千年鶴  
奉使榮於八月槎古井雲封舟窳藥舊松風掃石壇花道

人冠劍鳴瑤珮豈必高車畫錦鐙

○ 奉題延祐宸翰

欽惟八宗上承祖武蒐羅俊彥求治靡寧允尊禮儒臣  
務敦風化由是治書侍御史臣郭貫擢禮部尚書凡在  
選者六人惟貫進秩有加親洒宸翰昭示龍光忝備臣  
僚咸增鼓舞集賢直學士臣鄧文原謹拜手稽首而作  
詩曰  
宵旰需賢表薦紳秩宗首是贊華勛官聯天府璇幾象帝  
闡河圖琬琰文曾聽簫韶瞻曉日仰攀弓劍泣秋雲小臣  
作頌稱仁聖湛露承恩未足云

題小薛王畫鹿

禮樂河間雅好儒曾陪校獵奉鸞輿畫長靈園觀游後收  
暇嘉賓燕集餘蛺蝶圖工人去久騶虞詩好化行初宗藩翰  
墨留環賞憑仗相如賦子虛

題謝氏通濟橋

涔陽川上壓雲濤迥若仙山駕巨壑龜甃石不愁僧路滑傾  
金寧計鬼工勞泛槎客去銀河近題柱人歸玉壘高此地  
通津足佳吳是敬明月放輕舸

○ 郎中蘇公襄挽 志道

寒垣重鎮雪雲堆畫諾人稱幕府材流馬道難逢歲倫

涸魚民病得春回  
陽關猶記款三壘  
社老俄成賦八哀  
夜靜  
燕臺山月冷  
祇疑化鶴一歸來

送李彥謙御史之西臺

霜風十月長安道  
健鶻凌空淨羽毛  
地控函關西極星  
懸執法太微高  
鑄金古鼎奸先伏  
發刃新劔用欲韜  
雅志  
澄清付公等  
我懷江海放浙舟

送鮮于伯機之官浙東

衣冠文獻叅諸老  
臺閣功名負此公  
十載黃塵看去馬  
萬  
山青眼送飛鴻  
揮毫對客風生座  
載酒論詩月滿蓬  
聖世  
需材公論定  
起分春雨澍江東

送張綱父教官

我友白蘋洲  
畔客忽凌風雪  
問征途南州  
歲晚尋高士  
西  
塞煙深憶釣徒  
呼酒江船春水動  
讀書山館雨燈孤  
無錢  
自媿蘇司業  
聊賦驪駒為子娛

贈趙鍊師奉祠南海會稽

幽香南國羽衣師  
東曉稽山謁禹祠  
使馭穩如乘白鶴  
仙  
都婦及采玄芝  
文園進藁無封禪  
宣室求言有受厘  
書史  
會同靈貺闕詞人  
休讓九歌辭

題陶淵明像

詩中甲子春秋筆  
籬下黃花雨露枝  
便向斜川顏載酒  
風

光不似義熙時

馬祖常

字伯庸後漢人御史中丞

書上都學官齋壁

齋居斧宮旁永日火人跡清心慕百躅簡編頌紬繹徒自  
傷迷民位卑方莫及苟祿亦可益吾將返蓬蓽

至治癸亥八月望日同袁伯長虞伯生過槍竿嶺

馬上聯句

有嶺名槍竿其上若棧閣白雲亂石齒青峯轉窅脚積冰  
太古陰出礦無底壑長流沆瀣泉鷹盪扶搖幕轍跡委垂神人  
聲發虛索舄飛接鳥音羽沒疑虎膊霧松秋髮長霜果

紅脂薄斤樵不知疲往往端有愕藐藐矛頭浙杌杌井上  
索疑睇見日觀引手操月廓南下渺沆海北廣終沙漠金  
橋迎仙游空塔百神鑿禽鳴蜀帝魂鐵鑄石郎錯闌干掛  
鈎衝攬槍斂鋒鏑爲車達前茅馳道徇嚴柝戟筆三人行  
弭節半途却

贈陳衆仲秀才 纈雲辭

纈雲織波射金水卽君水西著皮屨南陌紫塵十丈高將  
鬢買酒意氣豪萬里將書憑好鳥荔枝千顆團團小天津  
不隔火微星闔闔門開夜光曉

寄家書



春雲閣雨花泥火池上波平飛白鳥  
蘄中河外盡天涯運葉圓時身到家

挽何得之先生

手織烏紗日賣錢全家移住五雲邊  
伏生有女書空在伯道無兒世間憐  
北市行歌花爛熳西亭坐嘯月嬋娟  
少微光氣今年暗知是詩隨過海船

送王叅政上京奏選二首

滇池納馬踏龍沙宰相朝天路不賒  
峽裏琴泉春作乳月中珠樹夜生花  
三千禮樂尊儒術百二山河壯帝家  
魚上禹門無點額直郎宣奏日當衙

千官吉日聽宣麻白髮詞臣帝汝嘉  
池鳳有毛皆五色盤珠無樹不三花  
綠縑詔底書分兩紅錦囊中字剪霞天  
路北盤三十六婦時秋月滿京華

開平事

金馬門東畫省西千官花覆曙光低  
九莖芝蓋雲衣合百石銅盤露顆齊  
鹿冊已營修訂鳩燕巢還補落花泥  
上林伏日金桃熟鸚鵡來時不敢棲

還過龍門

紫塞秋高鳳輦回龍門有客去還來  
蕩摩日月崑崙岫吐納風雲混沌開  
天也有神司主宰地靈無力載崔嵬  
誰吹

石瀨成飛雨不使時人汗酒盃

駕設

紫繡鸞旗不受風北都駕設日曛隴九秋宮殿明天外十  
部簫韶起伏中白海水波浮曉綠赤城花蓋帶春紅神皋  
不用清塵雨輦路龍沙草藉重

龍虎臺應制

龍虎臺高秋意多翠花未日似鑿破天將山海為城整人  
倚雲霞作綺羅周穆故慙黃竹賦漢高空奏大風歌兩京  
巡狩非行幸要使蒼生樂至和

正月十一日大明殿後寢殿進講畢賜侍宴

勅講經惟只尺天聖恩留侍大明筵東風律應軒轅樂左  
舍陽開月令篇春動伏旗回彩暈日浮窓瑣炫華鮮百環水  
陸難名品因咲傳耕詫昔年日

宣德府九十三歲老人

我無麴蘖為春酒翁得期頤祚壽朋鳩杖賜來堪伏老鷄臬  
絳去不同亦五原白嶺秋迷樹一曲黃河夜合冰古有乞言  
今可待逍遙全福見玄曾

曲

光山縣孔宰幽風亭

光山近在故山西樹滿岡頭稻滿畦村屋讀書相教授社祠  
醉酒共提壺水牛遇雨嫌耕淺野蘭抽絳喜價低春雨行

田無從吏獨騎齋馬畏青泥

次韻進士宋頭夫海岸春行

靈沼奏波殿影高行人苑外望蟠桃街塵暝雨沉紅霧宮  
瓦晴霏動翠濤鳥度鏡中還避禪魚踏船尾不因蒿曲江  
別有新承宴笑我官曹似馬曹

次韻送上官伯圭

闔闔風吹雨別州才華生世重前旒終軍闕右須乘傳王  
粲荆南不上樓黃鶴白雲鸚鵡夢金陵江水鳳凰游東船  
載雨瀟湘上栢葉題詩寄十洲

江

送宋頭夫南歸

琵琶溝北識君初藉甚兼華二十餘欲賦光園不孝邛不  
聞狗監薦相如瀟湘路熟逢知己草社天低望故居携幼  
婦耒拜立隴南遊莫戀武昌魚

菊枕

東籬未采數枝霜包果西風入夢涼半夜歸心三徑遠一  
囊秋色四屏香床頭未覺黃金盡鏡底難教白髮長幾度  
醉來消不得臥收清氣入詩腸

教白髮

寄淡洲提點

仙客吹簫踏月輪因游淮海誤尋真松花搗藥分貧士栢葉  
題詩寄遠人秋蓮有潮留載酒春雲不雨取裁巾江都千樹

隋宮柳曾見先生綠髮新

御溝春日偶題

御溝流水晚潺潺直似長虹曲似環流入宮牆十尺便分  
天上與人間

劉獲 字聲七山人

贈感魯山廉訪

蕭政光華遠清臺啓擬公節移梅嶺北軺護柱江東堵帳  
節寒日柳杯鼓朔風瘦童空扶杖貧馬不裝械激沿三年  
問威名百郡雄星芒重許洛雪色照實馳敷教有虞廟講  
經夫子宮端嚴銀擴漢易直牖空伺吏猾加笞竹官貪解

印銅寬銷小白叟恩泱萬黃童花縵戲冬接艷笙吹歲曾  
仁頰苞嫩綠口辣曠輕紅象跡烟中堞鯨波雨外逢夷風人有  
蚪粵布我無同剖决心如水驅馳髻已蓬云龍承上取四牡欲  
歆功焉有澄清志運輸猷納忠織雲添衣繡繡連亦乘駝  
楚尾吳頭會三湘七澤通天文恢翼軫地蓋接潭洪牙蠹  
聽分政旌旗列摠戎驚爭肥以鷹羅博隘於巖壞璧柱無  
罪見金忘有躬化源安溷：獄市積忽忽入器能緝物先  
聲已擊羨道傍村果避窟底免幾空刃珥終凶筆母閨報  
怨弓左饘并石粥後稷更先種采菊賦婦老愛蓮無  
極翁理明輕勢利語妙入盲龍文祖歐陽百詩宗曾

直工挽回鉛暫習超出簿書業願盼山須動偷場石可鑿  
羽儀頌振鷺承苞徧哀鴻念昔初騰踏時方息戰攻考工  
崖黠黠試壘海隴隴赤芾波三百素絲茲玉總德行卑劍  
閣善納小雲夢甲子從頭數冠紳進秩官階蘭香浣露田  
玉氣虛虹世或探欺驚吾寧措爾種蔡魚應小慧聰蟻豈  
真聰靜澡於微外剛柔省設中江湖埽獨步宇宙凌丹衷  
德驪曾思附山舟偶未同耐寒衣故白好在佩仍惹夢梳  
頰鮮荔羈帆幾落楓泥塗龜各霄漢鳳稀中厲葆期霜栢  
吞聲等爨桐漸忘身顯悔得究學初終韓子攜雙鳥莊生  
感二蟲樂華術術術憂杞咲忡忡選舉繫唐盛方聞及漢  
崇貢琛斐渤懈懷組際穹窿穀久防飢飲鹽因析利籠駭  
茂牛敵蘇虔士鶴氈氈黼黻需耆俊饗珍給老癯會看楊  
縮貴不計孟郊窮温井硯陽長明奎卜道隆斷碎規愛助  
華髮尚狂伺

春日郊行書與鄧善之別五首

在山水非清出山水非濁泉源但無壅滄海端可學  
風急低卷帆潮來直扶柁我舟如我心鷗鳥亦忘我  
重心趁蹶聞治氣憐不早緩步勿貪高登山良有道  
東風吹紙鸞衆目看不眩出處亦見嬉善攻存一線  
文鷄照水影五彩何繽紛鳳凰靈且瑞在德不在文

戴表元 字即初剡溪人

題范文正公書伯夷頌後

有耳不聽下俚已人有手不馬劇秦美新天生靈物寄我  
體可惜穢弃同笑塵清風百世希文老一字流傳今是寶  
誰知堂堂伯夷頌曾借春揮發枯槁韓子也復英雄嬰冰  
寒斗峻餘文辭吹噓自起北海隱贈矣聊慰西山飢天荒  
地老精靈在處處江湖虹散彩書離孔氏忍自啼金遇龍  
戾如有待世情愛古兼愛寄書奴滿眼非吾師請君焚香  
盟手拜此帖歸洗人間兒女癡

胡長孺

字汲仲號石塘永康人寧海王薄

題段郁文雪石

白雲飛來着春空翕霍變化生奇峰朝曦照耀舒復卷碧  
華忽擁玻瓈宮秋潮初吐明於雪个雷動也吳山裂濤頭  
出海夕陽微百鍊青銅浮玉缺雲容濤勢偉且奇乍出乍  
沒須臾時乾萬雪山白盈尺晴天萬里窺娥眉似識詩翁  
作詩苦獨擁清妍照環堵河翻日落夜未失如虹光氣飛  
屋梁

題醉王母圖

宴罷瑤池醉不任仙人那有世人心良工欲寫無言意自  
托丹青作酒箴

元音卷之四

范梈字德機臨江人憲司知事

贈方永叔往教重慶路

汲水得明月倒影上青天客行三十年未識蜀月圓中宵  
夢巴蜀秣馬辭燕眠成都雖云遠未到意已足遠意不可  
期宿夕宛見之雲迷飛鳥道雨急卧龍祠干戈何草々祇  
說渝州好但得渝州官其就渝州老渝州古碓城彭君舊

建旌至今江石上猶有古詩名  
毫傑世已矣空城俯流水  
復有江東人來教渝州士  
方戾天機深大雅託遺音  
沉潛萬夫敵  
脫畧五湖心  
翩然別戎往  
長揖仙人掌  
疾風吹大旗  
落日明斜舫  
即此少相知  
相知長恨思  
巫山桂樹叢  
折寄定何時

節婦王氏

妾年四二三始識月團圓  
十二學女工刺綉如鴛鴦  
十九嫁夫家事姑施衿  
肇夫婚良家兒世籍為王官  
雖聯朱紫貴不習綺與紈  
過庭執詩禮開口若鶯  
端風儀在一時爭作玉人看  
天地忽降毒摧折青琅玕  
回首四十春景光若

流丸貞心守松栢芳性軼芝蘭  
落月簾帷曙西風機杼寒  
沉思往昔事淚下紅闌干  
豪客至茅屋擊家窳林巒入房  
衛病姑身死白刃攢相向  
義憐釋視死色無難  
親知為歎息保社為辛酸  
欲與上州府為妾旌門闌  
妾實無所願在所安  
婦人往從人阿母涕洟瀾  
送行遺之語敬順無違  
歡匹偶固有時寧知憂患  
端辛苦蹈物變豈羨身獨完  
殷勤謝舊故聞者摧肺肝

○ 濡露亭

初秋白露降爽氣逼虛帟  
薄林方泥上洒漢復霏上  
暗巖玉堂悄斜飄金掌微  
鶴眠寒屢警螢火濕猶飛  
葉垂知月



朗花艷怯陽蹄蘭飲畏朝墜草沾傷夕歸為霜當宿戒去  
日浸增歎娉婷吳宮女三月采薔薇挹被枝上香散入舞  
裳衣千歲亦不減但恐願初違君子保世澤在又愈光輝

○ 贈別張清夫還吳

新雨不作泥鈎鞦樹上啼征夫懷遠路家在太湖西別家  
今幾度揚柳江邊樹念鄉車輪下漸是中年路萬事中年  
尚可期人生且莫長別離長別離向何方九河落花清浦  
香王睢班土鳧乳黃南望不見三高堂奈此游子思故鄉  
我家未公濟時早功成身退合天道當時未必知者賢挽  
不回之臥烟島後來閱盡虧成事始識從初去時好戒不

能赤手縛虹蜺又豈委身同草木生逢堯舜世肯受泥塗  
辱昨者誤奮龍門雷蠅蚋嘲之自云足憂來舉觴酌白日  
唯有皇天照空谷張公子吳江生我有千載意不羨身後  
名為君寫作送行曲上中鏗憂難為情君行不聽戒意不  
平明日買舡棹秋聲亦欲東下窺滄瀛飄然始去白玉京  
須君禹穴相逢迎相迎不見須相待客行雖遲心不改

題先天觀山水圖

學仙之人與山為徒住在匡廬之與湖江之區張公鍊丹  
作龍虎丹成御氣遊六虛後來作者絕代無復有逸人住  
玄都玄都之壇升角孤上摩萬里之黃鵠下伏千尺之飢

艷陰森檜筠自太古斬種力與開闢俱稊柔朝日桂絕壁  
照見樓觀青模糊擘厓控絃寫哀壑秋雲春露芝田腴戎  
亦人間山澤曜偶隨夔龍宿唐虞興來醉倒黃公壇震風  
三日撼不蘇折花不得度弱水揮手始識仙凡殊玉堂仙  
人危與吳遺戒茲山之畫圖尋窓數戶久歎息無緣置我  
雙擗蒲獨行幽人不受呼掃葉青澗聽啼鳥日暮羅廷相  
縈紆相縈紆向何處明朝為借麻世鵬戎亦騎之上天去

贈海康舉進士者

姑

聖主徵儒用文學翩翩五士起海角元戎虎帳飛薦鷄泮  
水成材玉新琢吉日舉餞鍾鼓作皇華大夫繡朱襪快馬

鑿蹄輪脫斷相送西風出郊郭問君此行事何若於菟要  
是赤手縛候鷹南飛不踰岳洞庭山秋木葉落詞場先鋒  
奪霜鏑萬里青山上黃鶴明光宮中問禮樂董生策有經  
濟畧一朝聲名動河朔往取青紫如六博前年禮闈開峻  
擢明當接武絃綸閣歸來錦衣照丘壑人生無如進士樂  
烏乎人生莫如進士樂勗尔高步翔寥廓

王氏能遠樓

遊莫羨天池鵬歸莫問遼東鶴人生萬事須自為跬步江  
山即寥廓請君得酒勿少留為戎痛酌能遠之高樓醉捧  
勾吳匣中劍斫斷千秋萬古愁滄溟朝旭射燕甸桑枝正

搭虛窓面昆侖池上碧桃花舞盡東風千萬片千萬片落  
誰家頷頷海水溢流霞寄謝尊前望鄉客底須惆悵惜天  
涯

杏葉黃

杏葉黃天兩霜穹窿携日照八荒迴光照見白玉堂上中  
美人雙佩璫中宵抱被臨兩廂忠君愛親兩不忘奈何零  
露沾衣裳清曉樓頭見征鷹不如謝官歸故鄉

輓輶怨

門前水揚聲似雨幽人當窓碧絃語東里征夫去不歸一  
雙蛾眉鏡中舞年々井上攀輶輶勞心只恐秋葵枯他年

種得長生草梅花落盡青上好

雲林歌為貢供奉作

朝望宣城夕企雲林掃花釣月清趣開心城東之山倚天  
碧手憫南斗近只尺幽人築堂面山坐絕似謝公故時宅  
謝公今何在蒼苔翦行跡調笙誦新詩流水照白石看水  
作明鏡羊光靜來往夜深敬亭雨坐見南湖長清風被長  
阪鳥度菱葭嚮雲之林兮不可攀中有青猿白鶴相盤桓  
林之雲兮不可縛時來宿戒青簷端昂歲老仙人抱琴卧  
山側憶在中華時相逢髮未白問之不咲亦不言阿家中  
子瀛州客却起遺戒寶字書依稀攝精練魂魄相期後天

無極年共爾守之合自然御氣還得同飛仙未登雲林堂  
試作雲林歌嗟戎父容意衰邁雲林奈爾何

釣臺歌

吾慕嚴子陵隱居富春山故人乘六龍身隨魚鳥閑羊裘  
大澤雪在巔忽來導後入皇都掉頭不受諫大夫高風逸  
節何代無慎勿滄浪輕釣徒

首陽山圖

山漠上兮谷逶迤中有二士形容饑問之不荅告者誰在  
昔父死人致國弟讓兄辭俱去之一朝隱居北海北去亂  
就治婦人師遇世偶有戰伐事叩馬垂血陳忱辭君王知

名臣義直上不退聽將疑為見兵不果事乃定恥食其粟  
隱於斯終然飢死茲山下到今稱誦猶當時白旄黃鉞不  
可追功業甚盛德甚哀救民水火事誠危三綱一失誰扶  
持是以聖人表其怨謂彼仁者良由茲首陽之墳高幾尺  
自古富貴理沒野草空累土我欲爵北斗薦以黃金危展  
圖涕漉洒此意畫者宜不知

○ 贈李右丞

恂上李右轄行義古人期緩急倉公傳勤勞衛母詩滄波  
大地轉白首老天知莫罵青田鶴鳴臯重戒思

贈別徐教授之欽州

冉々歲月莫悠々 閑塞長歌鍾旋旅宴舞袖拂征艎到日  
梅花亂來春蕙草芳南金自昔重寄贈可能忘

王繼學晚過舍下翌日惠詩一章用韻畲旼

平生病太史 淺陋愧曹邦 自足封巫谷 聊須壘受降 黃鍾  
知和寡 白壁動成雙 天外誰招得 清風滿入窓窓

○ 和李溉之園居謀詠四首

書劍上青霄 鄉閩雨雪遙 年華侵水竹 客思墮山苗 會相  
高岩綺 將從鄭里橋 文辭誠小伎 祇比俗情饒

豈是幽棲地 飛騰亦未量 城根分暈攘 池面合魚梁 座處  
宜郎署 歌時感女桑 畏卿音調苦 疇復貴相忘

圃色依簾障 天光切戶庭 草生連夜雨 花落遍池星 未遂  
翔寥廓 真堪託晦冥 逢時須紫燕 得意拂青萍

亦欲依家耳 衡門斗極邊 鄉心徵化鶴 宦逕貼飛鳶 白日  
拋書送青山 拂檻延風流 自無已憶上五湖船

絕句二首

江上打魚舡 有頭那無尾 無卿相見時 不望如魚水  
鄉路西州是 延平那向東 片帆儂會使 祇是怕隨風

十月九日詣天光門上進三朝

寔錄

儀鸞簇伏滿雲端 玉鑰初聞衆樂攬 三后龍光周典冊 群  
臣鵠立漢衣冠 爐香著日浮晴靄 宮樹班香試曉寒 千騎

前頭都不避，祇傳學士拜金鑿。

辛酉歲元日

西山千仞鬱崔嵬，山下樓臺紫翠開。  
玉帛會同來萬國，璣衡縣運屬三台。  
嘗聞海客談金鼎，更見詞官進玉杯。  
慚愧辭臣今白首，又無賦頌獻蓬萊。

四月十六日指東華門奉迎香輿

天香曉報出宮城，已辨隅頭合樂迎。  
黃鳥低斜衝隊過，紫騮踈蕩著班行。  
百王盛祀無遺典，萬衆深居有至情。  
大喜快傳湯沐賜，禮官識姓未知名。

送白無咎太守之郡

蒲酒中書舊省郎，排雲曾攬舜衣裳。  
一麾况復守名郡，萬事不如歸故鄉。  
馬首漸違燕闕雨，鴈聲欲度晉城霜。  
漢廷擇相皆良吏，蚤奉潘輿謁建章。

寄上甘肅吳右丞二首

要使唐虞化遠覃，玉門關下屈征驂。  
多憂總爲民心苦，有喜唯聞郡姓甘。  
日晚邊沙黃澗水，天晴隴樹碧毵毵。  
國風不繫秦州外，自此西人識召南。

塞上孤鷹白雪毛，塞門風物靜蕭騷。  
黃河西去從天下，秦鞞東來拔地高。  
枸杞莫將如意苾，醍醐足飲勝蒲萄。  
遠瞻圭衮還舟日，正屬江湖心緒勞。

○寄題集賢周司直悠然閣

番陽東下萬山圍，魁閣崢嶸面翠微。  
雲接大荒迴古色，波涵落木動晴暉。  
宦情靜與游魚遊，詩思長隨夕鳥飛。  
久待倚闌成獨酌，癡兒了事各須宜。

○張留公母

山風遙引紫雲車，樓閣崢嶸阿母家。  
更五十周重甲子，後三千歲一拋花。  
綵衣故綰封留印，白壁新隨蜀使查。  
見說麻姑舊行處，至今源上有丹砂。

奉和王繼學懷濟南舊遊

前輩風流迹斷漸，濟南舊錄故人詩。  
遙知靈運初游日，正

是元方後載時。青杜寥々成異物，丹丘晶々屬遐思。  
壯年易動離居感，繾綣花前金屈卮。

開歲

自違北極向南辰，重見東皇似故人。  
合席管絃方殿歲，殊鄉花柳覺先春。  
水歸楚澤魚俱化，土覆周郊獸亦仁。  
薄宦於時無補報，且須康濟百年身。

草堂

草堂不在萬山峯，時有幽人步往蹤。  
雨壓堦煙籠薜荔石，行渠水澗芙蓉清。  
名豈讓陶貞白，共住猶顏陸士龍。  
忽憶鴈行天外去，歸來期在粵城中。

送毛鍊師奉詞禮成還京

仙官持節下青冥  
海瀆嚴祠衛百靈  
行為洽平循禹服禮  
從禋祀想虞兵  
東風到處隨神雨  
南極歸來奏壽星  
致福要當宣室問  
鶴書先報白雲扃

奉和吳宗師退朝

柳外朝冠古進賢  
雲開觀戶舊通仙  
蓬萊豈隔三千里  
華頌宜過一萬年  
香並袞龍浮瑞日  
聲隨簫鳳下晴天  
文臣不願金莖賜  
但想黃封到竹邊

吊張鍊師

名家接武依丹陛  
壯歲招魂入翠微  
遂使老眸成自吊  
不

知丁令竟何歸  
蛇蟬豈戀尋山蛻  
鷄犬曾聞挾日飛  
獨有皇思無以報  
昨傳天語慰松扉

平臺晚懷

落日微風生晚涼  
平臺西上萬山蒼  
佳人獨不生同世  
樂土那知是異鄉  
海岳雲霞千古意  
鄉關道路九迴腸  
丹青不寫歸田賦  
徒以虛名累霍光

○送別周儀之官錢唐并柬李四秘書

武帝龍飛第一春  
京華相送各沾巾  
詎知解逅文身地  
同是栖遲皓首人  
山驛蛟眠星滿洞  
水鄉鴈起月迷津  
若逢

南天竺為說前書感謝頌



將赴雷陽送羅提舉之任廣東

松滋鬢泊薊門船  
復指番禺路幾千  
茉莉香深和酒露  
枕卽葉暗煮鹽煙  
齊人舊筭無遺策  
漢史新歲有剝錢  
莫爲遐荒心力息  
朱崖更在海南邊

送人之五羊

豫章遠接五羊城  
白鳥飛邊道路明  
昔我乘槎游汗漫  
今君攬轡度崢嶸  
湖喫夕下潮聲轉  
斗角寒深寶氣橫  
旣爲觀風揚職業  
有詩才不負茲行

以瓊扇一握奉致黃明府

拾得炎州月一團  
殷勤持贈比琅玕  
情知已是秋風後  
留

作明年九夏寒

○ 鍾陵夜宿聞鍾

○ 中年江海夢靈皇  
夜半聞鍾似上陽  
一百八聲猶未已  
更兼雲外鴈啼霜

錢生幽禽圖

去

誰人剪下碧梧枝  
誤落西風粉墨池  
立斷山禽飛不去  
朝陽和事鳳鳴遲

渡端州峽

擢郎得便汴清流  
忽報丹前曉露收  
蠻語酬人翻自苦  
好山不敢問何州

挽西蜀先生

八十猶傳隱者名  
乾坤未是負先生  
無端白帝城邊水  
欲載哀歌上玉京

憶得

憶得佳人白帶詞  
幾將天外數歸期  
自從落盡庭前樹  
夜秋聲總不知

聞東鄰夜歌

促迫繁歌沸不停  
月高絃語轉明星  
莫令知有西隣客  
獨坐燃燈看六經

楊載字仲弘浦城人

雷軒

北風海上來大雪  
其零扑上下九萬里  
洗淨無纖塵  
君家十二樓  
軒窓洞達開  
坎々擊鳴鼓  
呼賓與啣盃  
名言落四座  
大笑聲如雷  
笑語徹碧空  
高興驚冥鴻  
仙人五六輩  
飛下白雲中  
繁々霓裳舞  
侍從萬玉童  
問君何所事  
未就丹鼎功  
翩然却塵世  
直入蓬萊宮

題文天祥

大厦就傾覆  
誰肯持其危  
惟公抱忠義  
挺然出天姿  
死既得所處  
自願乃不疑  
滯々大江南  
名與日月垂  
我行見遺墨  
再拜墮涕洟  
名堂有深意  
亦惟歲寒枝  
可知平昔心  
慷慨

慨非一時峨：著棟宇昭：示民彛勿使風雨敗永慰  
千古思

次方韶父遊九項山韻

平生一枝筇畏踏市朝踞出門見青山鷗鷺追狡兔茲辰  
正炎暑赤日那肯暮振衣得冷風超若忘世故冥々九鎖  
雲未覩心已暮想當挾良朋盡取寄絕處曠哉天壤間寓  
物豈為痼歸來思舊正我眼寧改素無官正爾佳有子亦  
堪據誰歟事虛名白首不知誤

太古雪為楊友直賦

往時天大風能吹華山裂墜此一拳石或云太古雪粵自

開闢初雲氣所凝結已經六萬歲變化同巖磔望之色正  
白表裏共澄澈塵土不能沉光彩耀日月願君勿愛此時  
以獻金闕回中避暑時持東消毒熱

東山詩為葉子實賦

東山高幾許上有浮空雲葉君居其間好道夙所聞窮年  
絕人事斲生攷遺文松闕書常掩石田朝自耘葆真去汨  
昏養息氤氳軒冕有遺榮高舉謝世紛悠々阻林莽長  
與麋鹿群由來巢許臣不事堯舜君

次韻袁伯長

盤々海底石並樹青琅玕至陽生至陰龍宮常苦寒揚光

炫朝彩吐氣蒸微瀾根株歷千載莫測榮悴端一如巢居  
子草木皮衣冠超然去人群取友蹄與翰日誦黃帝言浩  
歌淚闌干奈何天下治必以雲為官佩紉黃金環咀丹白  
玉盤自聞至人德積熟生肺肝黃塵日暮起對面不相看  
三山在何處使戒師王韓聊款紫芝曲倚君清夜彈

次韻虞彥高游陽明洞

憶昔神禹奠九州茲山會計功始休諸侯玉帛渺何許但  
見萬水從東流衣冠永閉陽明洞夜聞鬼哭岩之幽珠宮  
貝闕號龍瑞天造地設非人謀槎牙恠樹凍不死化作千  
丈蒼玉虬丹洞呀然仙掌裂翠峰巧矣蛾眉脩梅梁飛去

鐵鎖斷往二雷雨生靈湫軒轅緹神極秘恠海上笙鶴時  
相投平生閉門讀史記子乃探穴先吾游明當挾子騎汗  
漫題詩更在最上頭不妨山水樂吾樂豈有飢溺憂民憂  
故家喬木尚可求有子有孫百世留臥橫玉簫汎歸舟吹  
散萬斛江南愁

古壻行

建炎白馬南渡時循王以身佩安危疏恩治第壯輿衛縮  
板載幹白偏裨下鍾江城但沙鹵往夷赤山取焦土帳前  
親兵力如虎一日連雲興百堵引錐試之鉄石堅長城在  
此勢屹然上功幕府分金錢謹聲如雷動地傳尔來瞬息

踰百年高崖為谷驚推迂華堂寂寞散文礎喬木慘淡栖  
寒煙戎入荒園訪遺古所見唯存丈尋許廢壞終嗟麋鹿  
遊飄零不記商羊舞王孫欲言淚如雨為言王孫毋自苦  
子孫再世隳門戶英公尚及觀房杜如君百不一二教人  
生富貴當自取况有長才文甚武公侯之後必復初好把  
家聲繼其祖

時中兄示余畫一軸畫一老翁推獨輪小車上載  
兩巨甕意其為警世之為因為賦詩

小人無它獨嗜利兩甕載車將遠致肩頰足跣汗潸然丹  
冉脩程胡不畏世人但笑愚翁愚甕破即與瓦礫俱不知

人有千金軀前行險道方乘車

○壽妣承旨

上帝黃金闕仙人白玉堂  
皇猷資黼黻大筆主文章  
閭氣生竒偉休期際吉康  
四朝承寵渥多士仰輝光  
盡發琅函祕重繙石室  
藏成書倅二典有道述三  
皇碩望高天下榮光近日  
旁謀謨須稷契羽翼藉園  
黃上殿扶鳩杖開筵接  
蟻觴九重師道德千載合  
明良共說綸如綉能催繡  
作裳人思興禮樂國待理  
陰陽舊族名先著高門慶  
甚長賜書踰萬卷納笏過  
三床轉覺勛庸盛還欣體  
力強未顏朝映日素髮曉  
欺霜已注長生錄曾傳却  
老方宜齊周李耳遠

邁漢張蒼松柏深逾秀芝蘭久益芳願公多壽祉仍見子孫昌

○ 題信州先天觀圖

高林寨翠氣虛谷散虬光道士多騎虎仙人自牧羊澗泉通地遠山嶺際天長戴子文為記流傳示不忘

○ 寄劉師魯

想君游宦處正值洞庭湖落日波濤壯晴天島嶼孤舟航通漢汚風物覓衡巫天下文章獎非君孰起予

○ 蠹簡

往古韋編在何羊始汗青蠹虫深卜宅科斗必成形泯滅

沾秦火搜羅出漢廷斯文天未喪不敢望全經

斷碑

摩挲不成讀上有蘇班二字畫鐘王革文章漢魏間龜趺凋巔負螭首落孱顏渤海神明遠今同磴石頑

○ 送孫大方歸朝元宮

高臥林泉表超然謝世紛空山鳴白雨古石繫蒼雲不作夔龍伍甘從鹿豕群都門游宦客回首總慙君

饒國吳文康公挽詩二首

厚德脩天爵崇資拜地官繁然周典禮偉甚漢衣冠共喜懸金印俄聞蓋玉棺史臣書寵數光照碧嶺旛

道學錄賢子推恩自聖皇白茅分壤土華袞賜衣裳漫注  
長生錄虛傳却老方神游終不返瀛海路茫茫

送胡汲古之吳中

有客佩蒼精居然得此生山開栖越跡水泝入吳程佚老  
悠々計傷離戀々情食非方未已應不為魚羹

○ 贈方韶父處士

蜀郡蘇明允襄陽孟浩然成名兼二字得句詫群賢口絕  
人間事身如物外仙卓然能有此未信獨無傳

○ 宗陽宮望月

老君臺上涼如水坐看冰輪轉二夏大地山河微有影九

天風露冱無聲蛟龍並起扶金榜鸞鳳雙飛載玉笙不信  
弱流三萬里此身今夕到蓬瀛

○ 大明殿早朝

玉氣浮空御殿開金衣照日近臣來絲囊已進千秋錄黼  
座還稱萬壽杯王子吹簫雙鳳下羲和攬轡六龍迴衢尊  
此日沾恩澤散作祥風遍九垓

次韻陳子仁黃河

禹功疏鑿過憂勤海內山川自此分元氣渾淪通地脉孤  
光迢迢貫天文母金伏磔秋逾盛陰火歲淵夜不焚多必  
魚龍爭變化捲歸西北會風雲

送戶部康里尚書

經濟卞高負重名早趨蘭省執權衡唐除宰相同三品漢  
拜司農列九卿禮樂正圖興美化雖刀先務已苛征公家  
事業齊周召重使斯民望太平

○紀夢

海上垂綸已有年平居無事夢朝天蒼龍觀闕東風裏黃  
道星辰北極邊治世只今逢五百前程如此隔三千楊准  
曾奏甘泉賦應有聲名達帝前

題拱北樓

殷地鼓鞞迎日出倚天梁棟與雲浮北瞻帝闕三千里南

控臣藩二百州江海無波沉罔象旌旗垂野睢隴緜鳶回  
麗榜多深意綉袞于今有魏牟

題本齋王公畫像

詩禮傳家德望隆一門三世拜三公五營帶甲軍容盛九  
府流泉國賦充房魏素懷尊主術龔黃先奏養民功欲將  
惠澤量深淺楚浸洋：興海道

錢唐懷古四首

山回禁籞入雲長無復陳兵衛兩廂千石金鍾埋野草萬  
羊珠樹落秋霜龍文不徒陽人聚鳥篆終降輶道旁九市  
塵埃來袞：一江波浪正茫茫



西湖清濁自天開鴻鴈鳧鷖日往來黃道星辰環太乙紫  
雲宮殿擁蓬萊論文親奏王褒頌獻壽深傾阿母盃九域  
輿圖全混一百羊耆舊獨興衰

斜界鈎陳通大道中分魏闕對層巒雲生殿上金爐暗露  
下庭前玉井寒江漢飛龍俄杳杳滄溟泛鷁竟滂滂中天  
會合寧非救坐見蒼生真枕安

化人宮闕被層阿棟宇高低若湧波翠石文章書日月寶  
珠光瑛燭山河空秦說法黃龍聽貝葉翻經白馬馱誰謂  
一無超衆有只今塵土重來過

送表伯長扈駕

萬幸前驅盛國容黃麾仙仗衛重々星流曠野飛蒼鷲日  
麗層霄馭赤龍耀武邊陲須北狩合祛天地待東封論才  
孰可銘休烈扈聖還宜祀岱宗

懷錢唐故人東應中父

幾年流滯客京師每憶江邊話別離落魄已甘心似鐵蹉  
跎無奈鬢成絲草玄思苦無人問彈缺歌長只自悲滿目  
塞雲飛去盡倚筇獨立更多時

○

留別京師

囊衣橐載道傍車人事匆々歲欲徂風雨四更鷄亂叫關  
河千里鴈相呼燕著散漫根猶羨秦石蕭條葉盡枯却上

高丘重回首五雲飛繞帝王都

送薛玄卿歸龍虎山

金門詔下羽人歸欲向山中採  
蕨薇琥珀懸崖松樹老琅玕  
倚澗竹根稀高岩蓄雨星辰  
濕古石綠雲迳路微養性可  
無軒冕累游塵元不浣仙衣

送羅雲林歸山

黃石山原風物幽賤子往年曾  
一遊舊行繁拓已成徑新藝  
麻禾應滿疇馮衍能忘白首  
歎謝安須為蒼生憂餘枕  
溪上明日發愁殺楊花吹客舟

壽饒國公

可樂無如父母全既賢既貴又  
長羊金壺賜出青雲上玉佩  
朝辭白日邊楚木論春猶五百  
蟠桃稱壽必三千佶聞黃綺歸  
來後長向山中作隱仙

○ 贈同院諸公

詔編國史有程期正是諸郎儼  
直時虎士守門宮香、鷄人傳  
箭漏遲、窓間夜雨銷銀燭城  
上春雲墜彩旗才大各稱天下  
選書成當繼古人為

送吳真人

具嚴威命領祠官歷祀名山不  
厭難上帝乘龍游下土真人騎  
鶴降靈壇已刊白玉為封檢更  
鑄黃金作祭冠國壽

延洪千萬歲願祈穀熟小民安

寄吏部尚書張公

復喜清朝用大賢玉音俄對廣庭宣  
姚崇已托君臣契李泌終持將相權  
此日經綸須展布他時簡策要流傳  
淵明有待公田米可念江湖久棄捐

次韻辛良史早朝

掖垣迢迢到城回魏闕嵯峨此日開  
赤帝會庭宵仗引朱輪爭道曉鍾催  
三泉忽報歲金甲萬歲徒聞進玉杯  
樂奏象箭從此畢小臣思見鳳凰來

題鍾呂傳道圖

濟世曾聞有大才超然脫屣去塵埃  
劍光昱々今何在上下乘龍戲九垓

題鄭子真畫像

躬耕谷口襟編民寧肯懷金媚賊臣  
揚子解言如許事不知執戟是何人

元音卷之四終

元音卷之五

虞集字伯生號邵菴蜀邵人翰林學士

題商德符華山圖

昔祠雲臺館行穿御階栢夕陰嵐氣深重碧照行客獨訪  
張超谷漸覺巖險迫水生玉井頭日射仙掌側豈無鐵鎖  
懸翻身若飛鶻恐煩華陰令不柰昌黎伯王事况有程車  
馬何忽忽流觀終南山周覽天府國尔来十七年欲往不

再得山河想邈悠傷殘轉蕭索摩挲商老圖彷彿布夷宅  
高哉蓮花峯白雲澹秋色

次韻陳溪山樓復

頌憶蜀井西樓欄每易討披心剖魚子東艾克琴掃剡工  
巧紉履文織象花草輕鬆隔沮洳緩步得堅好長跪獻下  
會期後三早知君貴賤履陟降恒有道隣我涉世深垂誠  
不待造兢兢歷淵水縮縮奉師保時行不違矩庶慙歲年  
老

○

題薛外史瓊林臺

高臺積方石瓊林樹交柯晨光眩白雪夕景纏紫蘿每聞  
樵子唱恐是仙人過塵世在足下豈能聞歌過海騎鶴開  
池還養鵝外史正瀟洒太白烏足多

題許愿夫抗雲樓

城居苦迫隘層闌上峇峇措身方丈間千里能自超可以  
抗浮雲誰能顧塵囂擬峴有石臺遺碑正蕭條子固若星  
斗其庵安可招龐公輒耕際頓懷見凌霄賦詩托飛鳥長  
空何寥寥

次韻袁伯長賦陶心

憶昔白雲君高居保黃寧夕煉黃帝鼎晨註神農經群真  
時雨座逸響每盈庭寸田既無畔幽關那有扃飛凌萬物

表婆垂帶鈴歸未塵世外曾孫宴虛亭所志在高遠三峰  
列青冥頽然得所止一念三十齡崑崙安明珠旭日曜帝  
青槃桓有童子松根求茯苓

趙千里出峽圖

巨舟臨峽口衆二志如一各以所操濟雖危萬無失所憂  
在平曠玩肆生縱逸母俾持釣翁倚岸三太息

哀陳童子

南山有鳳雛飛來上林樹祇承朝陽輝不食秋夕露珠零  
海氣盡壁毀月光曙巫陽不能招荔丹滿洲嶼

于仲元舍賦紅梅

白雪不成夜丹霞遂崇朝妙質承日暎飛英向風飄醉來  
紅袖近歌罷絲雲消揚州問何遜何似董嬌嬈

題僂耳東坡載酒堂

翳翳僂耳城歷歷枕柳樹百年遺故丘新堂設賓作清風  
海上至朝陽在庭戶丹山五色鳳覽德屢來下

應制題王拙畫吳王納涼圖

雨過大湖上風生響篠卽紅綃拂几席白紵製衣裳朱光  
淪厚地明月在高堂何以保玉體長年樂未央

○題水木清華亭

中流汎蘭棹望彼嘉樹林落日蕩野水浮雲生夕陰魚游

恋芳藻鳥鳴在幽岑鳥樂恐易老吾將脫朝簪

出直次韻

月下白玉階露生黃金井疏條栖鵲寒蕙梳螢冷戀闕  
感時康懷歸覺宵永晨鍾禁中未白髮聊自整

○ 酬上清道士鈔陰何詩

殘雪松上落輕冰硯裏生寫詩過夜半欹枕又天明少陵  
愛何遜大白佯陰鏗不愁勞弱翰亦足助高情

金人出塞圖

海風吹沙如椿濤高為阨磧深為壕築壘其上嚴周遭名  
王專居氣振豪肉食漣飲田馮遨八月草白風颼颼馬食

草實輕骨毛加弦試弓復置橐今日不樂心嗒嗒什什伍  
伍呼其曹銀黃充鷓明繡花鷓鴣小管隨鳴靴背孤向虛  
出北阜海東之鷲王不驕錦鞞金簇紅絨條按習久蓄思  
一超是時晶清天翳絕駕鵝東來雲帖之去地萬仞天一  
瞥離婁屬望目力竭微如聞音鷲一掣束身直上不回折  
遂使孤飛一片雲頃刻平蕪洒毛血爭誇得雋頓足悅旌  
旗先歸向城闕落日悲風起蕭屑煙塵滿城鼓微咽大酋  
要王具耳歎王亦欣然沃焦熱闕文出迎騎小駝琵琶兩  
姬紅顏頰舞歌迭進醉燭滅空廬斜轉罷能月

題柯敬仲畫

予先世居隆州。二治之後，山石室翁守郡時，隆為陵州。州事簡省，得就吾家拾故紙，背作芋蘭竹木之屬，所作類多。吾幼時尚收得數紙，今亦亡之。丹丘生用文法作竹木而坡石過之，近又以新意作墨花，甚妙。從子悅有眉山學官之行，丘為作此，予愛而賦之。

昔者老可守陵州，守居北山。吾故丘太守時，來看山雨，每畫紙背成滄洲。老蒲松煙色過重，揮霍陰崖交劍。予百年離亂亡，故物敝篋。江南誰復收新圖，篋管枝葉脩。使我不樂思，昔侯碧鷄祠前杜鵑叫。玉女井上叢篁幽，棠梨樹高青子落。碧花翠蔓縈牽牛，楊雄無家不歸老。蟪蛄蟋蟀寒

相求，丹丘先生東海恣。何以見我空山秋，蕭條破墨作清潤。殘質刊落精英留，陂陀重復分細草。山石縈紆生亂流，眉山學官莫厭冷。言歸故鄉非遠遊，石田茅屋儻可得。萬里欲上東吳舟，百花潭深濯新錦。持報以比珊瑚鈎

為達兼善御史題墨竹

野道荒涼多古木，篋管千尺相因依。少年慣見今白髮，杜宇夜啼愁不歸。老可嘗作陵州守，古墨蛟龍多入手。春雷每恐破壁去，神鼎空令夔魅走。丹丘越人不到蜀，脩葉何以能縱橫。內府人家爛熳寫，使可見之心亦驚。江南御史龍頭客，暫別那能不相憶。知君深識篆籀文，故作寒泉溜



崖石

子昂墨竹

吳興畫竹不欲工腕指所至生秋風古來篆籀法已絕止  
有木葉雕蠶虫黃金錯刀交屈鐵大陰作雨山石裂蛟龍  
起陸真宰愁雲暗蒼梧泣湘血吳興之竹乃非竹吳興昔  
年面如玉波濤浩蕩江海空落月年年照秋屋

送戴真人歸越

戴先生日飲五斗醉不得再飲一石不肯眠昨從桃源來  
兩袖携風煙長安道上小兒女拍手攔道呼神仙烏如游  
龍花如雨蹴踏春秋作朝暮東方不作恣間戲上帝還令

海邊去海邊玉虹夜不收貝宮珠闕皆蛟蚪芝田玉樹久  
相待天上老仙那肯留戴先生鑑湖之水三千丈不可以  
鑑可以釀明朝亦脫錦袍去與汝酣歌釣船上

題柯博士畫

磯頭風急潮水長蕪葭蒼二繫魚榜青山一髮是江南白  
頭不歸神獨往幽篁繞屋茅覆簷木葉脫落秋滿簾買魚  
沽酒待明月定是黃州蘇子瞻子瞻文章世希有謫向江  
波動星斗夜投斷岸發清嘯栖鷗驚飛怒蛟吼圖中風景  
偶相似欣然揮灑春雲開子瞻應是念鄉里還化江東孤  
鶴來

題金馬圖

賈胡自騎千金馬，解囊小憩荒城下。平原無樹起秋風，夢入陰山雪橫野。太平疆宇大無外，戶連城無閉夜。不然安有獨行人，懷珪安眠如畫者。

題花鳥圖

吳中女兒顏色好，洗面看花花鳥俏。調朱弄粉不自施，寫作窓間雪衣鳥。綠窓沉沉春晝遲，半生心事花鳥知。花殘鳥去人不歸，細雨梅酸愁畫眉。

白翎雀歌

鳥桓城下白翎雀，雌雄相呼以爲樂。平沙無樹托營巢，八

月雪深黃草薄，君不見舊時飛燕在昭陽。沉沉宮殿鎖鴛鴦，芙蓉露冷秋宵永。芍藥風暄春晝長。

○ 慶史頌浦治書父八十

治世尊三壽，高年見八朝。羽儀參漢皓，神觀邁周喬。柱下聲名遠，壺中日月饒。微醅霞灼灼，新沐雪蕭蕭。地厚源初浚，天全玉不凋。一經傳令子，貳憲肅群僚。侃侃稱時望，英英樹國標。繡衣兼絲服，白日上青霄。上壽歸榮異，推恩錫爵超。紫深宗伯橐，金重列侯腰。珎膳應恒從，安車必見招。乞言逾藥石，報德稱瓊瑤。千步庭來鳳，群工韻合韶。陳詩方懿頌，擊壤比康謠。

○ 題秋山圖

峰迥留深隱天清襲翠袍行山斷人蹟游目送鴻毛樹桂  
栖屋鷲藤懸飲子孫龍眠石潤冷虎踞樹根牢木客吟時  
共山樵奕處遭浮雲過迢連明月候霜高羽使來三島胎仙  
舞九臯左招玉斧鉞右攬赤駘駒玉色收寥廓虛聲起繹  
騷彈琴遺古散載酒棹輕舸遂向圖中見誰能世外逃乘  
槎幾日至一泛九秋濤

○ 正月十一日朝回即事

宮樹春陰合霓旌拂曙來天光臨閣道雲氣轉蓬萊晝漏  
沉沉鼓晨尊灑々杯香霏簾底霧樂殷殿前雷祥瑞儀曹

奏瓊淳尚食催舞庭分鷺序效猷過龍媒融雪微生草輕  
風不動埃老人南極至王母上方回玉色何多喜金華得  
重陪裁詩賀新雨西閣待門開

○ 次韻馬伯康少監四首

仍歲從巡幸山川識重臨講帷來濟濟馳道止駸駸正月  
衣裘薄諸生坐席深歸耕何待老莫問二疏金  
移暉宮城曙烟花繞閣重來王俱屬籍祿使不傳烽賜席  
還親問囊書更手封恐煩宣室召晷日轉蒼龍 封  
臣甫多愁思長歌拜杜鵑鑿崖通閣道積水放樓船惆悵  
霜橫野棲遲雪滿顛經行看宿草碧色自年年

太平知永日漸老惜芳晨論說慙孤學推揚負相臣退思  
常感慨拜賜每逡巡郊藪多閒地餘生託鳳麟之相臣

○ 奉別阿魯仄東泉學士遊甌越

憶昔同經幄春明下玉除掛冠俄去國連舸摠盛書筍脯  
嘗紅榴萼羨斫白魚莫言江海遠咫尺玉堂廬

○ 送長沙守

白髮長沙守循良又好文近鋒金馬去遠有玉魚分對竹  
聽湘雨開簾看岳雲漢廷思賈誼一飯莫忘君

○ 代衆仲作

昔在泉州住將軍每見招春雲山對屋夜雨水平橋池鴨

穿荷葉溪魚上柳條禁城鍾鼓起車馬晚蕭蕭

送王照磨之官雲南

遺廟瓊珠浦歸舟熨道溪飛鳶愁暑雨走馬畏山泥官署  
尊舟鷺祠官勝碧鷄題詩遠相送紅日五雲西

八月八日有感題視草堂壁

載筆趨芸閣探囊索緼袍坐銷秋日淨心折夜風高識字  
頭先白謀生計轉勞文園多病渴常想賜蒲萄

○ 御溝詩次宋頭天韻

御溝雪融三月初鳧鷖鴻鴈總未居蒲萄水綠可爲酒楊  
柳條青堪貫魚逶迤天河起箕尾滉漾雲海浮青徐舟前

花落傍飛燕隄上風來濕舞裙翠輦時留金腰裏錦波不  
看玉芙蓉臨流水玉偏能賦莫待東都客問予

○ 題故太子少傳翰林承旨李野齋幽居圖

車蓋歸來托遠林魯山齒萃魯原深漁樵相識頻分席賓  
客時過共賜金百歲儀刑猶近古五朝文物至于今披圖  
想見登臨地松蒲徂徠起夕陰

○ 賦張志甫八十

身閱昇平近百齡顏如玉雪鬢如星遠移湘竹堪扶老舊  
種蒼松已伏苓頰見大官躬致饋蚤令掌故口傳經古來  
名士多肥遯與題詩歷下亭

○ 送韓伯高僉憲湖西

正月樓船過大江海風吹雨洒船窓雲消虹蜺橫山閣潮  
落龜鼉避石缸闕下諫書誰第一濟南名士舊無雙湖陰  
暑退多魚鳥應勝愁吟對怒瀧

王氏孝義詩奉元人

陰陰榆柳蔭常村中有烏頭孝義門耕織事均家益贍總  
麻親盡義弥敦蜜蜂日暖開窓戶慈竹春深長子孫先世  
此邦嘗賜履為歆遺俗却消冤

寄福建僉憲馬邦惠

荔子枝頭火齊紅高堂紈扇坐薰風湘筠簟冷魚波合海

栢梁深燕雨通絡緯豈知秋袂薄矣多長憶曉食同禁城  
來看花如錦誰道清霜解惱公

次韻道士竇神清賦舞粟

帝德無為保太和歷山遺化有嘉禾想經稷教躬耕法正是  
堯時擊壤歌旆九秋新雨露縣縣千古舊山河曲肱飲  
水幾忘肉思憶宣尼感歎多

○贈竇神清歸隱茅山

翩翩歸鶴自遼東又向茅山擬住冬啄食定依何處竹結  
茅應得古時松雪滿空山騎一虎月明秋水佩雙龍別來  
彷彿三千歲亦欲遲栖第一峰

送宋誠甫太監祀天妃

使者受節大明殿候神海上非來仙廟前水生客戾止惟  
中靈語風冷然麗牲有石載文字沈璧用縑求淵泉賈生  
何云久不見海若率職君子還

○贈昇龍觀主

榻前親製先生號賜與江南謝舞咨太華雲開天使下少  
微星動史官知龍飛滄海留珠樹虎卧丹房守玉芝聖主  
無為千萬壽更應築館候安期

賦壺洲

傳聞海上有玄洲曾是安期舊所遊千頃白雲都種玉一

杯弱水不勝舟魚龍夜護黃金鼎  
鳶鵠晨朝紫綺裘波浪不驚星斗  
迤步虎聲裏度清秋

○寄趙子敬平章

聞道乘閑入翠微猶愁嵐氣濕人衣  
道傍野樹飛花盡溪上春雲作雨  
歸故舊釣絲輕在手仙人棋局靜  
忘機赤松曾許同千載擬向高秋  
伴鶴飛

別國史院勅峰石

秋雨莓苔教天身文章曾見百年人  
吁嗟一代與王威付托諸公製作  
新垆野有詩皆在魯泰山無刻更  
先秦鳳麟一去無消息空使駕駘  
愧後塵

神鳳琴

鳴鳥人間久不聞遺絃欲托斷琴絃  
曾看土鼓歌朝日亦共陶尊醉夜分  
五色雲中迎太乙九疑山下望湘君  
采詩應被唐風譜早晚樓船或祀汾

謝書巢送宣和瀘石硯

巢翁新得瀘州硯拂拭塵埃送老樵  
毀壁復完知故物泥沙俄出認前朝  
毫翻夜雨天垂藻墨池春水地應潮  
恐召相如今草檄烏懷諸葛渡軍遭

題東平王與盛熙明手卷

宋宣和手勅一通卷首題識四字我朝

英宗皇帝御書也帝嘗以至治三年正月十五日辛五  
華山臣有以此書獻者丞相拜住侍側就題以賜之無  
歸第曲先盛熙明寫金子佛書一帙擊丞相丞相因以  
此卷贈之且語以其故至順三年三月八日熙明屬歐  
陽玄記其事於左方

聖代御題前代勅小臣叨備史臣書事業久為人土。直文  
章猶作世璠璵海淪碣石圖空在墓築祁連計已疎誰識  
全燕天所斬萬年形勝帝王居

題暖翠亭

老去唯思卧白雲一亭萬竹喜初聞波迴

曉日駕鸞

竝柳散晴烟翡翠分把釣方泉婦衛女乘舟北渚望  
湘君誰能獨采薇盈袖却道高寒思不羣

○ 觀諸色山圖

江樹重重江水深楚王宮殿在山陰白雲窈窕生春浦翠  
黛嬋娟對晚岑宋玉少時多諷詠江淹老去倦登臨扁舟  
卻上巴陵去閑聽孤猿月下吟

○ 題畫

緝熙殿裏御屏風零落誰收百歲中錦樹總含春雨露畫  
橋猶是舊青紅花開陌上懷歸燕潮落江頭送去鴻何侶  
綠波生太液縫桃風急綵船東



題張布孟中丞送畢中達提點卷後

十年七聘不還朝起為飢寒夜駕輶嘉樹百年誰忍伐生  
芻一束不能招西州華屋交遊少北海清尊意氣消欲馬  
濟南名士傳泉聲山影晚蕭蕭

○ 寄泉南三老人

春城連海樹扶疎中有幽人八十餘庾信流傳江左賦伏  
生零落濟南書鄰翁社舞尊多酒弟子晨炊饌有魚前代  
衣冠今絕少故懷三老載安車

白雲閒上人度夏

白雲長傍太湖飛忽向西山度釣磯彭蠡小龍邀共飯潮

陽迂客憶留衣笋因春雨朝朝喫橋待秋霜顆顆肥我自  
本名無所住經函松下共柴扉

○ 寄魯學士

往歲樓船過太湖珠簾翠幙護圖書泉南五馬傳燈夜上  
郡夔龍進講餘滿坐賓朋尊有酒盈疇稷稻食多魚趣裝  
未覺曹叅晚應有賢人載後車

○ 甲戌四月十七日至臨川冲雲寺祝

聖齋罷賦北

郭西寺門雙石頭水鑑相對林塘幽白花過雨落松暝黃  
馬隔溪鳴麥秋衰朽虛蒙宣室問淹蓬實愛小山留為貪

佛日同僧話滿袖香煙念舊遊

○ 次韻聶空山送杏

看徧生紅雨滿林筠籠遠致百丸金  
道知過熟心先喜猶恐微酸齒  
不禁淺棧便應催泛蟻封囊何必  
共來禽唯當種核成佳樹花繞春  
壇坐鼓琴

即事四月十六日

卧病丘園忽五年千官此日正朝天  
縣公稱壽邀相共野老扶藜拜不  
前帶拭文犀看舊賜髮垂明鶴愧  
初筵莫愁小邑天光遠朝蓋靈芝  
五色鮮

○ 予少年過薊門酒樓賦此題曰連十八書郡人疑

其為呂洞賓詩也漫記于此

耳目聰明一丈夫飛行八極隘寰  
區劍吹白雪妖邪滅袖拂春風稿  
朽蘇氣侶酒酣雙國士情如花擁  
萬天姝如今一去無消息只有中  
天月影孤

李伯宗錄詩

老去逢春祗謾吟敢煩彩筆為追  
尋玉堂天上成塵夢茅舍山中稱  
野心萬里雲霄歸鳥盡孤村風雨  
落花深文章傳世知何用空使高  
情慨古今

端午節飲客與趙伯高

龍沙水井夏初融簪筆長隨避暑  
宮蠟燭煙輕留賈誼銅

盤露冷賜楊雄南村久病思求艾北客多情問轉蓬忽聽  
滿船歌白苧翻疑昔夢倚春鴻

鷓

予家有薛少保鷓圖一大軸先尚書自蜀携至此邑以  
為玩先恭政晚歲失之不知所在當時極惋歎今二  
十餘年集妻姪浚儀趙德莊從好事家重購得之欲集  
識其故而藏諸篋笥為賦此

吾家舊物薛公鷓老氣崢嶸壓九臯鐵石閣身修足脰雪  
霜依骨淺翎毛通泉父失千年壁杜甫空吟一世豪老去  
思鄉歸未得時時借看倚秋高

周昉畫美人圖

島上雲生日轉欄海風吹面暮寒尖春明玉色遺香澤夜  
定珠光入鏡奩織得鴛鴦成綠皺教成鸚鵡啄紅甜試今  
鼓瑟應無語日斷歸帆思未炊

費無隱丹室

碧雲雙引樹重重除却丹經戶牖空一徑綠陰三月雨數  
聲啼鳥百花風年深不記栽桃客夜靜長留賣藥翁幾度  
到來渾不語獨依秋色數歸鴻

寄澄湛堂

月中桂子落岩阿想有林間闋具多持足地神衣拂石敲

珠天女襪凌波香因結願留龍受水為烹茶喚虎馱寄到  
竹西無孔笛吹成動地太平歌

賦雪洲

江上經年憶雪多長洲化作玉坡陀舊時射虎迷躡石簿  
暮歸漁認擁蓑河伯作宮龍獻璧湘靈遺珮鳳停梭鳧翳  
客與江花發更待春來生水波

送胡古愚

仙館醉餘千石酒上林吟遍百花風拾遺徒步頭雖白供  
奉歸來錦更紅晚下紫微怜病鶴春生綠水送冥鴻故人  
江上如相見為借扁舟候秃翁

羅若川畫松

暮春多雨晝冥冥羅生畫松當翠屏老蛟化作劍氣黑白  
鶴下啄苔痕青傳來日暮自篝火夢入幽岩尋茯苓不遇  
胡僧露双脚石函自了讀殘經

挽文山丞相

徒把金戈挽落暉南冠無奈北風吹子房本為韓仇出諸  
葛寧知漢祚移雲暗鼎湖龍去遠月明華表鶴歸遲不須  
更上新臺望太不如前洒淚時

朝回和周待制韻

三十六竿吹鳳凰九重春色絢天光卿雲微動旌纛暖湛

露初晞草木香見葉神師東度嶺金輿馴象北浮洋小臣  
職在哥功德拜手陳詩對日長

贈道士

神室惟開自洞微紫烟爲戶玉爲扉春容淡薄胎仙舞夜  
景虛明脉望飛繞指風雷龍睡醒滿囊雲錦虎馱歸猶嫌  
長物煩聞見更上高臺一振衣

贈道士鄒雲山

一片春雲萬仞山六鼈戴向海波間金銀樓觀蒼龍戲日  
月旌旗白虎閒換骨有丹宜早服虛心如水及秋還九重  
元與蓬萊接看尔仙衣籙玉班

贈無塵道人

雲霧爲衣月作裳天壇獨自禮虛皇龍收古劍沉秋水鶴  
識神丹起夜光金井自聲惟墜露玉階無色乍疑霜無端  
下界松風動又欲飄然上鳳凰

送朱仁卿

羨子南歸肝水上還從烏我問臨川幾家橘袖霜屋屋何  
處兼葭月滿船應有交游冷遠道好從老父說豐年寒機  
早晚成春服一一平安報日邊

玉華山

何處清江擁玉華手題名榜寄仙家光凝石殿千年雪影

動銀河八月嵯巖藥室兩騰玉氣說詩瑤席散天花奎章  
閣吏無能賦得似新宮祭少霞

雙檜軒

素玉舊植魯宮墻雙樹陰陰接太行冰雪高寒今節操雲  
雷叅錯古文章河津此日營舟楫廊廟他年倚棟梁會與  
群龍近華盖九天朝日正蒼涼

玉庶山水

蜀人偏愛蜀江山圖畫蒼茫只尺間駟馬橋邊車盖合百  
花潭上釣舟閒亦知杜甫負能賦應歡羨楊雄老不還花重  
錦官難得見杜鵑啼處雨班班

張道士蜀山圖

碧玉參天是蜀山舊曾飛步歷孱顏松風上接空歌外蘿  
月長懸合景間試劍丹崖秋隼疾濯纓清澗夜龍閒君家  
虛靖歸來日冉冉蓬壺鳥憶還

畫虎圖贈貞一先生

獵獵霜風木葉乾月明曾過越王山青龍久待蟠仙鼎赤  
豹相呼守帝閑終歲永芝茅阜曲豐年收穀杏林間誰家  
稚子能為御長與桃椎共往還

玉堂讀卷

玉堂策士詔儒臣御筆親題墨色新省樹生移簾底日宮

壺馳賜殿頭春虞廷製作變龍威漢代文章董賈醇書閣  
莫年偏感遇但歌天保播皇仁

謝廬陵兩劉君

扁舟已作度江雲回首高年憶兩君座客頗知常刺史詩  
人猶拜杜叅軍憶者玉樹當春晝長對青藜過夜分它日  
聚星知可畫殷勤垂白更論文

宣和墨竹寒雀

洒墨馬琅玕深宮春晝間蕭條數枝雪不似紇干山

雙鴛圖

戢翼石梁陰秋風百夜深使君莫行野江水蕩人心

畫扇雀竹

啄粟野田暮飛鳴亦求雌誰家江上雨發船歌竹枝

畫雙蝶

舞罷庭花落池邊有睡鳧無端雙蛺蝶飛上繡羅襦

題柯敬仲雜畫十二首

北苑今仍在南宮奈老何青山解浮動端為白雲多  
雨過蒼苔石雲生楚岸泉幽懷春冉冉雜子秀娟  
鐵石餘生色冰霜作曉妍春雷明日起何處尚龍眠  
雨過黃陵廟蒼梧雲止愁何時倚虛幌對此滿林秋  
江山秋漠漠風雨晚蕭蕭千載誰相識唯應待老樵

昔過竇管谷鉤衣石角斜擬尋龍作杖拾得上天槎  
黃金千鎖甲瑠玉六蕙鉤雨送鴛鴦夢煙籠翡翠愁  
娟娟生玉潤楚楚作金聲羽扇迎風定羊車過月明  
峽口春雲重江南夜雨多水深桃葉渡風急竹枝歌  
蒼涼初出日黃落早知秋不遇采芝客寧知叢桂幽  
明堂要梁棟大匠取脩直鬱屈崖石間秋風動蕭瑟  
平陸蒼龍起近山生遠煙前村三萬頃明日水平田

青山白雲圖

獨向山中訪隱君行窮千澗水沄沄仙家更在空青外只  
許人間禮白雲

竹杏沙頭鷓鴣

胡蝶飛來石竹叢羅襦曾試繡文重荷花啼鳥銀屏寂卧  
看窓間唾碧茸

○ 錢舜舉折枝芙蓉

白髮多情憶劔南秋風溪上看春酣剪未一尺吳江水擬  
比千花濯錦潭

商德符小景

五老峯前數往來紫雲如蓋蔭崔嵬十年京國頻看鏡最  
愛高僧坐石苔

題古木畫



高秋木落洞庭空  
岳陽城南多晚風  
蛟龍夜護玉壇古  
劍影長流明月中

子昂幽蘭脩竹

舊時長見揮毫處  
脩竹幽蘭取次成  
欲把一竿苔水上  
鷗波千頃看雲生

送上黨長

春兩人參長紫苗  
縣庭無事坐終朝  
俯看雲氣千山表  
野有新田市有謠

題柯敬仲雜畫

夢裏江南憶舊遊  
明璫翠佩不勝愁  
一釣織月清如水  
吹

笛何人共絳舟

題著色山圖

巫山空翠濕人衣  
玉苗凌虛韻轉微  
宋玉多情今已老  
間雲間雨是耶非

子昂蘭石

江草離離石老蒼  
行吟何處樂清狂  
江中遺佩相思久  
莫待明年春蕨長

題黃敬申虎圖

當時玉帳蜀雲西  
坐嘯風生草木低  
傳寫餘威千載外  
空山藜蘆尚萋萋

元音卷之五終

元音卷之六

揭傒斯 字曼碩豫章人集賢學士

去嬾詞

江東有一士子留都下三十適要一貴人女為妻父乃知其已有妻子矣一夕逃去因託去婦為之詩非徒欲傳其事抑以示風戒云爾

輕合鮮義終苟容希禮遇遠結萬里婚多為才名悞始與

君結好不知君有婦有女嫁他人俱懷託遲暮青、墻下  
草生死墻下路娟、道傍花零落無處所女子失其身何  
以保貞素既乖百年意百年誰能度對鏡空悲惜中心良  
難訴浮萍誰為託一木無兩附棄舊屬新歡新歡漸成故  
寧當中路析莫被他人去寧老阿母榜不受他人妬騰身  
出房闈兩絕無復顧幸願嫁他人甘心西山樹

贈王郎

王郎楚狂士意氣飛秋霜讀書一萬卷下筆數千行富貴  
視浮雲况肯矜文章十五耻閭里掉臂辭故鄉夜宿東海  
月朝買西州航瞑目王公前結客火羊場一飲或一石一

醉或一觴寧揖屠狗人不與俗士當千金不易咲歲暮單  
衣裳阮籍在窮途英聲連四方鸞鵠有時鑿反愧燕雀翔  
世無劇孟交不及青樓倡燕趙如花人翠袂黃金璫不識  
豪俊士空媚癡與狂王郎遠過我坐我枯藜床終夕無酒  
飲撫髀歌慨慷平

明別我去極目空茫：

賦得吳歌送人歸吳中

三月酒如澠高堂 絲竹停繡筵雙鳳影珠箔亂鶯聲疊  
應紅牙拍辭傳金縷名絲雲低不度芳塵暗自驚花發長  
洲苑日照闔閭城且奉千金壽寧忘萬里情

題王山仲所藏瀟湘八景圖卷走筆作

瀟湘夜雨

淡、暗江樹蒼、楚天路穩繫渡頭船莫放流下去  
遠浦帆歸

冥、何處未小樓江上開長恨風帆色日、誤郎回  
煙寺晚 鍾

朝送山僧去莫喚山僧歸相喚復相送山露濕人衣

洞庭秋月

顯氣自澄穆碧波還蕩漾應有凌風人吹笛君山上  
平沙落鴈

天寒關塞遠水落洲渚闊已逐夕陽低還向黃蘆沒

漁村晚照

定從海底出且向平沙照漁網未全收漁舟還下釣

山市晴嵐

近樹參差出行人取次多板橋雙路口此世幾迴過

江天暮雪

孤舟三日住不見有人家昏、竹籬處卻恐是梅花

李宮人琵琶引

鄂縣亢主簿言有李宮人者善琵琶至元十九年以良  
家子入宮得幸上比之昭君至大中入事興聖宮比以  
足疾乃得賜歸侍母給內俸如故因亢且乞詩於予遂

作李宮人琵琶引其辭曰

茫、青塚春風裊歲、春風吹不起傳得琵琶馬上聲古  
今只有王與李、氏昔在至元中少小辭家未入宮一見  
世皇稱藝絕珠歌翠舞忽如空君王豈為紅顏惜自是衆  
人彈不得玉觴未舉樂未停一曲便覺千金直廣寒殿裏  
月流輝太液池頭花發時舊曲未終新解譜新聲萬變摠  
相宜三十六年如一日長得君王賜顏色形容漸改病相  
尋獨抱琵琶空歎息與聖宮中愛更深承恩始得遂歸心  
時、尚被宮中召強理琵琶絃上音琵琶調轉聲轉溢堂  
上慈親還佇立回首舊賜滿床頭落花飛絮春風急

祖生詩

浦城孝子身姓祖自憐性命如糞土生才五歲遭亂離有  
母更被官軍虜零丁二十八春秋母縱得生何處求天地  
茫、明月恨江山漠、白雲愁忽得母書驚母在看書未  
盡淚先流書云流落河南縣河南蹋遍無由見唐州境上  
忽相逢白髮蕭、霜滿面誰知喜極情轉悲旁人更問初  
別時干生萬死到今日始為母子東西歸東西迢遞闔山  
路入門猶記階前樹居人傳說盡相看黍鷄提携竟朝暮  
祖生母子真可憐少壯離別老大還同時鄉井被兵者幾  
人骨肉能生全願生母子長壽考四海昇平永相保

居庸行

昔我望居庸南今日出居庸北崑巒爭吞此風水清且激  
逶迤數千里曲折殊未息關門兩向當天開馬如流水車  
如雷荒鷄一鳴關吏起列宿慘淡雲徘徊山盤、石圍、  
山如龍石如虎龍怒欲騰虎欲舞太行餘勢猶如許昔不  
容單車令馬例什伍聖人有道關門開關門開千萬古

長風沙夜泊

長風沙風沙不斷行人嗟行人嗟柰君何南風正高北風  
起大船初灣小船喜移船更近大船頭不獨風沙夜可憂  
但祝行人好心事長江何處是安流茅舍參差數株柳時  
平尚置官軍守青裙老嫗說鮮魚白髮殘兵賣私酒魚賤  
可買酒可沽他人心事知何如

夏五月武昌舟中觸目

兩鬢背立鳴雙櫓短蓑開合滄江雨青山如龍入雲去白  
髮何人並沙語船頭放歌船尾和蓬上雨鳴蓬下坐推蓬  
不省是何鄉但見雙、白鷗過

題明皇出遊圖應制

明皇八駿爭馳道還是開元是天寶長安花發萬年枝不  
識年華醉中老奎章閣下文章靜袞衣高拱唐虞聖莫言  
此畫徒爾為千載君王作金鏡

高郵城

高郵城、何長城上種麥城下種桑昔日鐵不如今為耕  
種塲但願千萬年盡四海外為封疆桑陰、麥茫、終古  
不用城與塲

如武昌發臨川作

江轉款無路山回忽侶園客程秋共慘物色晚多疑稍、  
沙鷗集念、野樹稀武昌今夜夢定有故人知

○ 送鄉人祐上人從師歸當陽

學道玉泉寺從師天子都流年春事半歸路客帆孤山勢  
遙連蜀江聲不如吳故園如可到種芋有遺區

○ 南康夜泊聞廬阜鍾聲

廬山三百寺何處扣層雲宿鳥月中去歸人湖上聞入空  
應更迥近瀑正難分遙想諸僧定香爐上夕熏

○ 史館獨坐

地夏天逾近風高午尚寒虛庭松子落歌檻菊花乾撫卷  
俱千古憂時有萬端寂寥麟父筆才薄欲辭官

夢武昌

黃鶴樓前鸚鵡洲夢中渾似昔時遊蒼山斜入三湘路落  
日平鋪七澤流鼓角沉雄遙動地帆檣高下離維舟故人  
雖在多分散獨向南池看白鷗

○ 送道士薛玄卿歸江東

知君此去漸難招，只在人間已廓寥。市上有時逢賣藥，山頭何處覓吹簫。仙岩花落溪流滿，鬼谷雲間樹影遙。未必故山安隱逸，海天涼月夜簫、

小孤山曉發和蔡思敬韻

日落霞明錦浪翻，崖傾石削白雲閒。乾坤上下雄孤柱，吳蜀東南壯此關。神物夜移風動地，仙舟曉渡月漫山。回瞻絕頂登臨處，空翠冥濛杳靄間。

歌風臺和李提舉韻

萬乘東歸火德開，漢皇曾此宴高臺。沛中父老謳歌入海

內英雄倒載回，湯沐空餘清泗在。風雲猶似翠華未，穹碑立斷蒼烟上。靜閱人間幾劫灰。

送播州楊宣慰歸藩

雙旌遙指洞庭西，十乘聯翩度五溪。龍虎親軍兼使節，犬狼諸獠入封提。光昭廟拓恩波遠，風動藩維禮秩躋。北望五雲高魏闕，亦知憂願在黔黎。

○ 送唐尊師祠武昌

龍袞分香下絳霄，羽衣承詔出清朝。星臨翼軫南垂闊，神降虛危北極遙。金殿壓雲開紫氣，玉臺和月合瓊簫。蕃厘更為吾皇祝，下國時豐雨露繞。



○ 送詹尊師歸廬山

香爐峰色紫生烟一入京華路杳然雲碓秋閑春藥水雨  
犁春卧種芝田書憑海鶴未時寄劍自潭蛟去後懸忽報  
歸期驚倦客獨憐微祿負中年

送趙尊師分祀海嶽

仙都道士神明後幾度函香去祝釐西歷蠶叢瞻雪嶺雨  
隨鵬翼到天池昔聞奉詔分祠日正是觀風問俗時宣室  
豈無前席夜諮諏應不負驅馳

送大名安治中守沔陽

長驥猶穿魏郡花分符忽指竟陵瓜行瞻禹跡過三峽帶

擁羲之望五華春雨蠶桑無曠土秋風魚稻滿貧家亦知  
王政仁為本莫厭公田飯有沙

送林彥廣南鎮行香

昔年同事文皇帝出入千門萬戶中漢閣圖書觀每遍周  
家典祀學皆通罪湖忽送飛龍去石鼓空歌我馬同今日  
函香南鎮去還尋禹穴酌西風

○ 宋徽宗成平殿曲宴蔡京圖御畫御記

東京諸蔡滿周行延福成平樂未夾千畝松篁籠玉殿九  
霄風露濕霓裳君臣契合同堯舜禮樂光華邁漢唐明日  
圖成仍作記千秋留與監興亡

御書雪林二字賜趙中丞應制

聖主揮毫臨秘閣親臣執法坐崇臺祥雲五色從天下彩  
鳳雙飛映日來政欵清如林上雪已聞聲奮地中雷君臣  
千載明良會咫尺微垣接上台

憶昨四首

天曆年中祕閣開授經新拜育群才宮門待漏常先到講  
席收書每後回召試時蒙天語勞分題不待侍臣催滿頭  
白髮丹心在太液池邊只獨來

宮草葱蒨禁樹齊日趣延顥對凝輝朝迎步輦花間出暮  
送回鑾柳下歸碧殿東浮蒼巘合金河北引玉泉肥幾回

弘慶門前路春氣濛濛欲染衣

已已群儒映壁奎端陽侍燕寶慈西線分學士親臣送詩  
賜黃姑御手題注酒含春瑤露重承塵轉午錦雲低日斜  
共出西門道既醉猶能散馬蹄

奎章分署隔紗窓不斷香風別殿花留守日頌中賜果宣  
徽月送上供茶諸生講罷仍畚直學士詩成每自誇五載  
光陰如過客九疑無處望重華

和張太一秋興四首

翩、公子五雲中風骨雖殊意氣同道德淵源行地遠神  
明臺觀與天通欲隨穆滿賓王母更擬軒轅相大鴻南國

正秋憂旱曠誰驅列缺起豐隆

蓬萊宮闕亦回闌  
龍虎神君禹步寬  
朝曦日華當食穀  
夜迎天仗識鳴鑾  
露飛仙掌金莖凍  
月滿玄都玉佩寒  
遙想西齋清似水  
吟詩聽到漏聲殘

太行遙接帝王州  
西北連山際海稠  
鶴下靜依仙館夕  
鴈啼高挾塞垣秋  
側身天地渾如寄  
偷眼風雲總是浮  
應笑白頭京國裏  
長年百慮更千憂

霜落燕山歛翠蛾  
風翻禁樹夕陽多  
遙聞扈從勞行役  
轉恐飢寒損太和  
朔月先還沾舊制  
終宵不寐想鳴珂  
深恩未有涓埃補  
白髮蕭、可柰何

李洞 字漑之 奎章閣學士

題漢陽郎官湖

山翁薄暮醉酒歸  
杖藜迷却高陽池  
清風吹花綠陰倒  
我咲謂是秋雲移  
還乘貫月槎  
夜過郎官湖  
崢嶸星斗入江漢  
蕩漾槎影如鯨魚  
九華之真人  
邀我倒玉壺  
麒麟擘脯供行厨  
依稀仙樂在空際  
碧山四映寒蟾孤  
舉酒酌寒蟾  
明月下飲姮娥俱  
霓裳拂雲錦  
萬荷露瀉瑤瑤枝  
麾幢掩靄羅烟空  
乃有玉皇所授之  
玉童風前飄、曳  
廣帶對立十二秋  
芙蓉清香九曲銀  
河通真人綠髮披  
春風錦袍玉璫照  
天地口說姓字安  
南公是公多逸氣  
略與古昔賢豪

同時能掃月色近我石室烟蘿中又言昔同張謂所遊地  
長咲一覆丹霞鐘風吹仙樂度溪去我已醉卧香爐峰

我本山人素志丘壑獲歸名山為願畢矣爰以四  
月十一日離京師是夜抵潞陽慨然賦詩遥謝匡  
廬隱者併似金門諸公為一慶云

野馬脫羈鞅倏疑天地寬臨風一長鳴風吹散入青冥間  
頗如魯仲連蹈海不復還又如安期生長留一罵令人看  
江南浩蕩忽如海落日照耀浮雲閑既不能低眉伏氣摧  
心顏詭遇特達驚冥頑又不能抱書挾策千萬乘調笑日  
月相迴盤匡廬迢接仙山仙翁泛若秋雲閒長松之陰

引孤鶴望我不見空長歎采鉛天池津飲淥桃花灣蒼梧  
倒影三湘寒赤城霞氣生微瀾鯨鯢翻空海波赤晚色欲  
上扶桑難人間之樂兮誠不足恃何如歸卧棲崑巒棲岩  
巒卧岩穴夜半天風吹酒醒猶有西溪萬年月

寄吳原可

不謂相疎亦自猜空山舊雨入莓苔江湖機熟鷗忘去吳  
楚年荒鴈未來豪傑何心猶用世乾坤自古少怜才向未  
共醉梅花下昨夜一枝寒自開

劉汶字師魯鄆州人尚書

贈劉禹玉

劉郎方朔徒游戲紫泥海千年華表非唯有心在向未  
荆西河雉辯吞虹蜺手携九節杖東入蓬萊栖我時探禹  
穴同看山陰雪千人萬人中惟子獨超越朝騎白鼻騮莫  
逐油壁車得錢即付酒携妓顏如花踏翻豪俠窟醉狎山  
人家或嘲楚狂士或誚報恩子從渠立名多詎識子奇偉  
一朝去鄉國北上爭吹噓家無十舍產袖有萬言書所陳  
果何事為國非自計寧遭丞相嗔肯負丈夫志蹉跎十數  
秋甘與黃冠儔善藏倚天劍未暇磨斗牛播然走山東隱  
跡隨壺公還尋岱宗去絕壑凌天風鷄鳴上日觀眼亂扶  
桑紅窺臨事未已逸氣橫萬里行歌齊魯間興為廬山起

廬山秀可食怡此冰雪顏揮毫洒瀑布五老開雲關遠公  
拍手笑喜見遺民還乃知士不偶正可游名山去年卧衡  
岳聊憇四海脚厭垂君平簾懶賣伯休藥却呼魏夫人共  
把流霞酌今年與山辭下筆湘水湄臨風弔賈傳酌月招  
湘累文章本踈蕩強忍終技養光恠不可收倏忽又千丈  
有時遇知音朗咏山中吟復恐見輩覺不得容山林茲辰  
忽聚首慰我別未久辛勤四十霜所獲竟何有却懷居東  
時勇以功名期焉知尚漂泊筋力供路岐攀林置佳念此  
去安所之南窺古雲陽更了山川奇山川固娛目慎勿過  
幽獨柰何白雲歌再送劉十六乾坤渺蒼茫迴首眷空谷

我將秣其駒乃不受羈束願子無遐心歸哉返初服

郭昂 字彥高號野齋大名入

○ 客燕

昨夜鄉關入夢遙月明魂斷更難招鬢邊白髮秋能種囊裏黃金日易消尺璧自慙投暗室前途何處是青霄龍沙見說難為客八月尖風徹弊貂

林鎮

江南曲

高、碧雲樓緊、珊瑚鉤娟、一美人烟、明雙眸妾居湘江尾君居湘江頭好風吹菼花同向湘江流

黃伯暘

香奩體

與君生別離朱簾長不開春風故相撩燕子雙歸來  
雙、相思鳥飛上相思樹相思雖不同、是相思苦  
昨夜海棠花睡足西窓雨春夢苦無憑知在阿誰處  
下階拜新月空庭夜如水相思隔千里未有團圓意

商挺

水仙花二首

海上三山璧月明人間誰識許飛瓊秋風吹上青鸞背未散天香與素英

明月珠衣翡翠裳冰肌玉骨自清涼不隨王母瑤池去未  
侍維摩病几傍

貢奎

字仲章宣城人江西提學

讀馬伯庸學士止酒詩

今晨不可出大風吹我帷陋巷泥沮洳空墻雨淋漓研朱  
課兒書冥思解群疑敲門童子來袖有止酒詩讀之至再  
三擊節且喜悲若飲以玄酒揖讓陶唐時我、古冠裳執  
彼璋與圭短褐纔掩脛藜藿空忘飢風雅久已衰作者微  
君誰嗟我重景仰老大將何為

司業李公哀挽

元禮

山立庭紳聳衆觀名高真不愧儒冠文章清廟藏琛玉勛  
業烏臺振羽翰譽重朝端知有子貧憐身後似無官百年  
耆舊凋零盡展卷哀辭忍淚看

謝端

滋溪書堂

趙之川濔浸沫易恒滌泝汶汶各異出惟滋有溪亦足足或  
伏或見舐不容不能百里濔是從混、千里俱朝宗予曩  
涉河觀湖江蹕雲蕩日怒擊撞崑視子燕嶺之瀧是滋名  
揚子所始有田有廬水之涘有堂三楹庠非侈中經子史  
堂右左高曾遺子以自課子迺善繼志不惰蒐今撫古挾

惟奇泓涵演迤吐為辭副墨往、傳京師羸金青紫世所  
取滋溪有源子有後斯堂斯書可世守

陳應麟 字信仲

送薩經歷監舶泉南回京

玉立朝班侍紫宸桐邊一見許清真九霄星鳳人間瑞萬  
斛珠犀扇外塵行色急催閩海曙吟情遠逐帝城春相思  
一夜江花老夢裏猶疑見可人

宋本字誠夫大興人禮部尚書

○ 大都雜詩四首

拋卻漁竿滄海邊拂衣來看九重天畫闌九陌橋如月綠

影千門樹似烟南國佳人玉幼玉中朝才子杜樊川紫雲  
樓上如澠酒孤負東風二十年

綉錯繁華徧九衢上林辭賦漢西都朱門細婢金條脫紫  
禁材官玉鹿盧萬里星辰閣上界四朝冠蓋翊皇圖東隣  
白面生紈綺咲殺揚雄卧一區

瀘溝曉月墮蒼烟十一門開日色鮮海上神仙非弱水人  
間平地有鈞天寶幢珠珞瞿曇弁褭竹哀絲玳瑁筵春雨  
如膏三萬里盡將嵩呼祝堯年

形勢全燕擁地靈梯航萬國走王城狗屠已仕明天子牛  
相寧知別大平玄武鉤陳騰王氣白麟赤鴈入新聲近來



朝報多如雨不見河南召賈生

○ 殿試罷賦

玉堂松檜帶晨霞遙望宸嚴共拜嘉  
逢掖諸生袍立鵠未央清問墨翻鴉  
扶搖九萬風斯下禮樂三千日未斜  
從此君王識名姓泗波慙愧舊漁家

奉旨降香天妃謝翰林諸公贈詩

皇帝井泉受計時寶奩親授走冰夷  
今朝朝著張騫出後夜天文李邵知  
雲繞勾吳分貝闕春生笑蕩下龍墀  
深慙禮樂光華外賸得曹劉祖道詩

段文德

河南人叅政

登岳陽樓

群江西未與天平天壤巨浸開洞庭  
雄吞三湘隘七澤中蟠萬古君山青  
我行持節按廣海驛騎暫駐巴陵城  
巴陵城樓冠天下風軒月戶雲霧屏  
平生夢想今始到危欄乍倚心  
魂驚初疑太極渾未判日月往復凌  
空明又疑此世墜物外弱水萬里環  
蓬瀛湖山得意有如此况乃佳客聯  
簪纓金盃浮動玉色酒滿懷清思  
春雲生魚龍掀舞怒濤起眼花落日  
搖青冥軒皇廣樂渺遺響芳洲寶瑟  
愁湘灵丹丘謫仙竟何誅幾欲八表  
追遐齡孤心未了忠孝願敢念綠髮  
潛凋零聖神一視無遠近恩風化雨  
浹四溟尋常

咲聚犬豕尔陣烟一洗霏天清婦鞭咫尺覲慈母細語八  
千山水程孰能開置若新嬭正要磊落肝膽橫飲酣拂袖  
下樓去忽隨過馬雲邊聲

李仲淵

號衝齋四川叅政

送錙宗道奉使日南

一介強於十萬兵秋風持節使麓泠可容贊普窺唐壤要  
遣蒞車拜漢廷蜃吐瘴烟黎洞暗鯨掀巨浪海雲腥元戎已  
已辯安邊策萬古千秋汗簡青

送捧詔使

霜落澄江水似藍江亭折柳送髯叅五條温詔頒天北一

棹清風下斗南父老衰癯沾利澤山川勝槩入豪談渝城  
好過黃花節金碧臺高酒半酣

送蒲叅政致事

天眷雖隆志叵渝拂衣歸去不躊躇百年喬木推耆舊九  
老香山入畫圖力薄不辭春命駕感恩直欲夜含珠聖王  
已有黃金節一舸秋風下五湖

黃靖老

字子肅昭武人翰林應奉

燕中懷古章貢侍御

娉婷二八女絕色妙難畫新粧薄鉛華照影修竹下盛年  
事夫婿錦玉耀精舍雖非伯鸞妻惓然惜春衣琴餘月當

軒默、倚風榭寄語東家兒紅顏莫輕嫁

送李子威代祀嵩衡淮海二首

群生望甘澤五岳雲氣通天香落岩谷瑞靄春冥濛海潮  
天際未金碧森萬峰劃落紫翠堆亭、玉芙蓉古廟綠竹  
存迎神奏黃鍾空山迤餘響落花舞青童

南海祝融宅汪洋載神州巨浸涵萬有元氣何空浮蒼、  
島嶼間彷彿通十洲神魚在深淵耳霖何以求朝折若木  
枝夕飲桐栢流萬里一辨香豈徒司馬遊

古詩四首送王君冕歸陝西

麥熟天乍熱開軒理瑤琴茲晨有客至一徑蒼苔深日出

樹影倒曠坐分綠陰清談落餘花松風雜幽禽君子希道  
德永言結同心

狂風卷茅屋遙見溪上山人生有遇合離別何足歎黃鵠  
將西歸臨水振羽翰我有雙明珠置之青雲端朝、復暮  
暮照君千里還

少年處山谷壯歲游京師性本鸞鶴群馬能牛馬馳曩有  
採薪憂掛冠願為醫近得聖賢心讀書耳如飴習貫已成  
癖豈無君子知

十載宦京輦田園就荒蕪茲焉擬歸耕休馬南山隅舉酒  
樹色動鶯燕鳴相呼流水既環居白霜亦邀子錦囊可贈

還愧非明月珠

古樂府二首

君好錦繡段妾好明月珠錦繡可為服、美令人愚不如  
珠夜光可以照讀書

君好春芍藥妾好夏池蓮芍藥多艷色春風迷少年不如  
蓮有實可以壽君選

夜宴友人席上有懷

熊照磨暮春會同年所作

因寄

青山林下啼班鳩綠楊門前嘶紫騮落花成陣作春雨東  
風淡、雲悠、美人捲簾日在手蝴蝶飛上珊瑚鈎南溪不

見荀成竹擬約滄波同倚樓

貢闈偶成呈同院諸公

射宮園棘斷經過閑却秋聲太液波風定碧簾聞禁漏夜  
殘銀燭見星河仙人共對青藜杖詞客孤眠白玉坡弱水  
蓬萊三萬里不知何處月明多

雪夜直宿玉堂

琪樹花生禁漏遲金莖月色近書闈白雲入水春無跡銀  
漢橫空夜有輝竹靜似聞蒼玉佩松寒欲傍綠荷衣乾坤  
清氣蓬萊表獨對天風拂翠微

○張志道別都

竹寺西軒共聽琴  
杏花猶記紫囊吟  
溪山老我扁舟興  
風雨知君萬里心  
滄海夜潮雲漢濕  
蓬萊春樹碧雲深  
三年離別尊前話  
傾倒何時更似今

○ 庚午興聖殿進史

瑤編初進侍明光  
日麗龍池晝刻長  
堤柳染成春水色  
宮花併入御爐香  
金壺洒露層階滑  
玉梳分水廣殿涼  
矇眊似知天意喜  
鳳笙新奏五雲章

○ 友人擬古樂府因題十絕句

早晚臨收鏡  
秋容怯玉鈿  
君心如日月  
照妾似初年  
米苻歸未午  
花稍日轉廊  
綠陰涼似水  
不見洗紅妝

生愛東隣女  
蛾眉畫不如  
近來機杼廢  
臨得右軍書  
漫道從軍樂  
風霜只獨居  
三年遼水上  
不得一行書  
海上扶桑景  
清光日見君  
祇愁風雨夜  
西北有浮雲  
今夜中秋月  
含情獨上樓  
辰星三兩點  
偏照玉簾鈎  
自見南樓月  
頻、夢楚州  
無端今夜雨  
祇作小山秋  
露井踈桐晚  
風亭碧藕秋  
捲簾山月上  
水宿見雙漚  
堂上春花老  
流泉日繞山  
願為雙白鶴  
雲路載君還  
天子西巡狩  
彤弓錫虎臣  
樓蘭何日斬  
看汝畫麒麟

王沂字師魯襄陰人博士

廣陵岳宮登瀛橋為王高士賦

登瀛橋上登瀛客曾向瀛洲採玉芝鸞鶴雲間朝斗夜魚  
龍波靜步虛時杯浮翡翠蘭苕影袖拂珊瑚鐵網枝安得  
琴高騎赤鯉傳書海上問安期

次韻宋誠夫上都書事

日邊音問及滄浪知有飛鴻拂建章黃帽折腰慙鄭老青  
雲回首憶常郎持竿寧解遮西日賜履還看出尚方惆悵  
平生一盃酒鬢毛林葉雨蒼

寄曹子貞

黃金臺下舊騎驢曾記含香侍玉除禹穴有人尋李白其  
泉無賦似相如潛鱗解舞湘靈瑟病鶴難傳閩苑書遙望

論思翔集地紫薇花點綠苔疎

送馬伯庸

社燕秋鴻十二春相逢疑是爛柯人公車未索長安米野  
服曾沾輦路塵日麗天門嚴虎折波搖宮瓦動龍鱗懸知  
進講金華殿五色雲中拱北辰

周樞

字衡之號此山括蒼人

紀信嘆

沛中龍奮碭碭雲咸陽楚炬三月焚兩雄角起鹿在野萬  
戶有楚無強秦貔貅百萬紛如雪戈矛盡染英雄血狼烟  
晚蔽天河雲兵塵夜暗中原月滎陽數載戰不休重圍食

盡漢亦憂將軍詐帝出降楚脫帝虎口真良籌無何諸將  
已平楚事定論功裂茅土獨無旌美到將軍不得褒名紀  
盟府男兒死節志已酬瞑目地下夫何求吁嗟功怨俱悠  
悠漢廷雍齒還封侯

子陵釣圖

東都熱官手可炙吳儂面似秋江色平生落拓一羊裘七  
葉貂蟬不堪易功臣盡在雲臺中丹青化作灰塵空先生  
遺像乃在此釣竿尚裊桐江風悠悠世事江雲白過眼輕  
帆自朝夕人間萬古仰孤風天上有星猶是客

九日

座上風流憶孟嘉登高目斷楚天涯百年歲月催蓬鬢半  
世江湖負菊花小雨釀寒侵白苧西風憐醉避烏紗間携  
櫛栗吟歸路流水殘雲帶晚鴉

次韻友人

司馬山川憶壯遊袖中劍氣尚橫秋懷人空有春天樹乘  
興都無夜雪舟羊少文章慕西漢風流人物擅南州縛麟  
老手今無幾不數當年趙倚樓

多景樓

北固峯高翠色浮斷崖千尺障東流誰言宇宙無多景今  
見江山第一樓雲氣曉含簾箔雨濤聲夜落海門秋客未

莫問孫劉事，狼石苔深萬古愁。

闕下遙瞻

乾坤瑞氣藹燕山，天仗初開虎豹關。  
金爵觚稜銀漢上，玉堦平城綵雲間。  
紫泥香暖春宣詔，清蹕聲嚴曉趣班。  
千載明良今慶會，喜看新雨滌塵寰。

羅礪谷

幼輿折齒歌

秋衫未成錦機語，棠梨半花鳳一羽。  
象牀雲縵小龍梭，細穴銀光吐冰縷。  
西隣卽君東海歸，芙蓉半白杏兩肥。  
十二欄邊說幽怨，勸織南浦鴛鴦飛。  
含闌匿蕙無消息，春醒彫

霞漾玉色小龍呵，出風雨聲奔騰觸裂霞。  
白石白石國域三十六，女子軍未兩城覆。  
鸞歌猿嘯強激昂，百戶風未如箭簇。  
章臺公子真豪縱，復以微言相感動。  
卽君莫要更癡心，忍作甘心可人痛。

胡尊生

送君進周公

憶金初未湖水滿，金鱗水。春波煖江南，早晚雪花飛。  
蒲帆下水送君歸，霜風浙瀝湖光晚。  
白魚粳米中流飯，回頭咫尺廬山雲。  
一寸心長帆力短，臨分乍覺過重關。  
金螺移在雙翠眉，啞。靈鳥啼樹枝，家人夜。卜蛛絲雪醅新釀。



都昌酒飲未未待君久人言遠歸勝新婚稚子牽衣婦  
携手窓前紅燭宵彈棊新歡滿眼寧想思江南今歲梅開  
遲贈君無花折空枝明年花開未未

瓊花上天

無雙亭前浮冷月蕪城暗鎖腥煙黑仙魂夜吟天欲泣巫  
陽下招飛玉勅神風鬼雨鞭車急一株玉雪、中立金  
歲、朝袞龍異香蕩漾天水濃蓬萊峩、高北斗玉佩沉  
沉舞衰柳瑤京三月銀雪飛瓊仙瓊仙招不歸鈞天夜奏  
紫皇醉二十四橋寒浸水

金莖承露

蓬萊仙人騎黃鶴未遺劉郎不死藥銀漏無聲秋夜深時  
見星河頭上落精金糾錯蛟龍蟠未央闕角觚稜寒莫教  
仰見杯中物直是他年雙淚痕桂房栢壁蕙蘭老留得新  
愁向雲表猶逐官車出漢關茂陵蕭、濕青草

陸文圭

燒荀賦

先生朝盤厭首宿荀味得全差勝肉蒼頭掃地犀角出赤  
燄燒空龍尾禿土膏斬渴外欲枯火灰微濕中已熟撥灰  
可惜衣殘錦解籜猶怜膚濯玉青、無分長兒孫草、為  
人供口腹李家丞相蒸葫蘆石家美人煮豆粥去毛留項

有何好擣非作糞空自速不如野人工食淡自辦行厨入  
脩竹句裏曾參玉版師胸中會着箕箒谷主人不問不須  
嗔昨夜西風響林屋

胡東

贈別二首

杜鵑啼血正傷神又向尊前送遠人君到瀘溝看流水落  
花猶是禁城春

一絲春動柳枝柔塵壓征鞍駐紫騮莫惜尊前更斟酒醉  
中別去不知愁

元音卷之六終

